



सानसेयारि 'बड'सा' खरीरालाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु बावबायादि थावनि, पार्क बाइदिनि स्यायाव लिन्नाय लिन्नाय दिशाय ठर/ सानसेयारि 'बड'सा' खरीरालाइया खेबखानानै फोसावगोन।

बड'सायाव लिन्नायथाय हुबा खालाम, 'बड'सा' खरी नोथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 30 March, 2024 Kokrajhar, BTC, Assam ★ Vol.- 34, Issue No. 6 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

दिनैनिफ्राय आसामनि
दरथाम जिल्लायाव 48
घन्टा नाडै पेट्रल
पाम्पफोरा बन्द' थागोन

बिटिसिनि गाहाइ मावफुं सोद्रोमा प्रमद बर'नि न'आव अगप आरो इउपिपिएलनि गोनांथार जथुम आसामनि दर 14 मासियावनो एनडिएआ देरहागोन: अतुल बरा



गुवाहाटी, 29 मार्च: मथर-गारि सालायग्राफोरनि थाखाय मोनसे जेना गोनां खौरां। मानोना आसामनि माखासे जिल्लायाव सानै नाडै पेट्रल पाम्पफोरा बन्द' थागोन। मख'नो गोनांदि, गाबोन 30 मार्चनिफ्राय 1 एप्रिलसिम पेट्रल पाम्पफोरा बन्द' थागोन। कामरुप, कामरुप नोगोरमा आरो मरिगाव जिल्लायाव 30 मार्चखालि फुनि (□ 5 बिलाइआव)

कक्राझार, 29 मार्च: थामथि खेवनि थाखाय नेरन्धे मदिखौ भारतनि गाहाइ मन्थि मासियाव जिरायहोनायनि थाखाय बर' राजखान्थिनि गाहाइ थावनि कक्राझारव आधिखालाव गले-गले एनडिएनि बाहागो थानाय दोलोफोरनि गेजेराव जथुम खुनाया सोलिगासिनो दड। बे लेखा दिने कक्राझारनि चान्दामारियाव थानाय बिटिसिनि गाहाइ मावफुं सोद्रोमा प्रमद बर'नि थाखुलियाव असम गन



परिषद (आगप) आरो इउपिपिएलनि गेजेराव मोनसे गोनांथार जथुम खुडो। अगपनि आफादगिरि आरो मन्थि अतुल बरा, मन्थि केशव महन्त, बिटिसिनि गाहाइ मावफुं सोद्रोमा आरो इउपिपिएलनि आफादगिरि प्रमद बर'मोनहा बाहागो लानाय जथुमयाव कक्राझार लकसभानि फेगौ दर 9 बिधान सभा बियाबनि सिडाव थानाय अगप आरो (□ 5 बिलाइआव)

गवालपाराआव गिखंथाव लामानि जाब्रबथायजो सासे पुलिसनि कमान्ड' जवाननि जिउ गोमादों

गुवाहाटी, 29 मार्च: गवालपारा जिल्लानि धुपधारा देउसिलायाव दिने सोमजिनाय गिखंथाव लामानि जाब्रबथायाव धुबन्थि राभा मुनि आसाम पुलिसनि कमान्ड' जवाननि जिउ गोमायो। लोगोसे परग राभा मुनि गुबुन सासे सुबुडा गोब्राबै जोखोम जायो। दिने धुपधारा पुलिस थानानि सिडाव थानाय देउसिलाआव 17 नं माहारिया रजा लामायाव बे जाथाया सोमजियो। गोब्रा खारबोनाय सनाय मोने गारियै नम्बर प्लेट गैये गंसे स्कुटिखौ सौख्राफेनायनि जाडनाव स्कुटि सालायगिरि आसाम पुलिसनि कमान्ड' जवान धुबन्थि राभानि जायगायावनो जिउ गोमानायजो लोगोसे परग राभा मुनि लाइमोना गोब्राबै जोखोम जायो। जाथायनि बागै खौरां मोनानयनि उनाव धुपधारा पुलिसआ जाथायथिलियाव नुजाथिहैनानै कमान्ड' जवान (□ 5 बिलाइआव)



गिबि मन्थि ड० शर्माआ खर'सा आसामनिफ्राय आफां आसामसिम लकसभा बिसायख'थिनि थाखाय फोसावदिनायाव मुखुबै नांथाबगोन

माब्ला आरो बबेयाव बिसायख'थि फोसावदिंगोन ?

गुवाहाटी, 29 मार्च: हदवनि खुंजानो गोनां लकसभा बिसायख'थियाव आसामनि गासै मोन 14 बियावफोरव बिजेपि-एजिपि आरो इउपिपिएल जुथाय दोलो एनडिएनि बिजाथिफोरखौ देरहाहोनांगौनि थांखिजो राइज्योनि मोनफोमबो लकसभा बियावफोराव बिसायख'थि फोसावदिनो (□ 5 बिलाइआव)



कक्राझार लकसभा बियाबाव जयन्त बसुमतारीया थाम लाख भटनि फारागथि लानानै देरहागोन: रनजित कुमार दास

मुसलपुर, 29 मार्च: हदरआव लकसभा बिसायख'थिनि खालारखौ बिसायख'थि आयगा फोसावखानाय लोगो लोगोनो राजखान्थि हान्जाफोरा बिसायख'थिनि थाखाय फोसावदिनाय हाबाफारिफोरखौ गोखोनिफ्राय गोखोसिन खालामनायखौ नुनो मोन्दों। आसामाव मोनथाम खोलोबआव खुंजानो गोनां बिसायख'थिनि थाखाय राजखान्थि हान्जाफोरा गावबा गावनि बिजाथिफोरखौ देरहा होथारनांगौनि थांखिजो जायगा-जायगा भट होग्राफोरजो सावरायनानै भट होग्रा राइजो-राजाफोरनि गोसो बोनो नाजानायखौ नुनो मोन्दों। बेनि असिलायैनो बाक्सानि अहपायाव आसामनि केबिनेट मन्थि रनजित कुमार दासआ दिने बिसायख'थि फोसावदिनाय हाबाफारियाव बाहागो लानानै दिहिरा मण्डलनि सिडाव



थानाय अहपा शक्ति भट केन्द्रनि पेज हेडफोरजो सावरायलायनायखौ नुनो मोन्दों। बे हाबाफारियावनो बाहागो लानानै खौरां बिजोनि सिगाडव बिथाड खुंजानो गोनां

लकसभा बिसायख'थियाव 1 नं कक्राझार लकसभा बियावआव रावबो बेरेखा दोलोआनो हेंथा जाया आरो एनडिए एबा इउपिपिएलनि बिजाथि जयन्त बसुमतारीया थाम लाख भटनि फारागथि लानानै देरहागोन होनानै दाबि देखानायखौ नुनो मोनो। लोगोसे बिथाड कंग्रेस दोलोखौ थांखिनानै बुडेदि, कंग्रेस दोलोआ एम्बु बादि दैज्तां बोधोराव अखा हाब्लासो ओंखारो, अखा हायाब्ला ओंखारा होनानै बुंथियो। आसाम आरो बिटिआरआव कंग्रेस आरो एआइउडिएफआ एनडिएनि थाखाय फेगौ लकसभा बिसायख'थियाव जेबो हेंथा जाया होनानै दाबि देखानायखौ नुनो मोनो। आधिखालनि कक्राझार लकसभा बियाबनि एमपि नबकुमार शरनियानि सोमोन्दै फोरमायनानै (□ 5 बिलाइआव)

गसाइगावयाव सानै गथ'सानि गोथै सह' बोखांदों

गसाइगाव, 29 मार्च: गसाइगाव महकुमानि सिडाव थानाय तुलसीबिल जमुनातारि गामनि आबद थिलियाव दिने सानै गथ'साफोरनि गोथै सह' बोखांनो मोननाय जादों। जमुनातारि गामनि थागिरि आबुल कालाम शेखनि फिसाज्जला नुर जामान हक (10) आरो जामेर आलिनि फिसाज्जला रकिबुल आलिमोनहा मैया बेलासिनि 4:00 रिगासोनिफ्राय गोमानानै दडमोन। बेबायदि थासारियाव हर गेजेर समसिम नख'रनि सुबुफोर बिसोर गथ'सा (□ 5 बिलाइआव)

कलाइगावआव 15 साननि हाबाफारिजो रंजालि बैसागुनि मोसानाय मावबादा खुंदों



कलाइगाव, 29 मार्च: आसामनि राइजो-राजाफोरनि आंगोनिबो आंगोसिन रंजालि बैसागुआ सफेबाय। बे बायदि समाव बिहु-बैसागु मोजां मोनग्रा लाइमोन सेंग्रा-सिखलाफोर बिहु-बैसागु मोसानाय, दामनाय-देनायनि थालिम लानायखौ जागायजेन्दों। बे बायदिनो थानाय 28 मार्चनिफ्राय कलाइगाव सिनियर सेकेण्डरि फरायसालिनि गेलेग्रा फोथाराव बर' हारिनि सुबुं हारिमु-कृस्टिनि 15 साननि बैसागु मोसानाय आरो दामनाय-देनायनि मावबादाया जागायजेन्दों। मख'नो गोनांदि, बैसागु मोसानाय, खाम, सेरजा, सिफुनि सायाव खुनाय बे (□ 5 बिलाइआव)

बासुगाव गरुकुल नेसनेल स्कूलयाव 7 सान नाडै बिहुनि मावबादा खुंनो साखा-फारा

बासुगाव, 29 मार्च: आसामनि आंगोनि रडलि बिहु एबा आसामनि माहारियादि फोबों बिहु मोसानाय, बिहुनि सोमोन्दै रोखा मिबार्थिनो बासुगावयाव मावबादा खुंनो लाहार-फाहार खालामदों। चिरं जिल्लानि सिमना ओन्सोल बासुगाव सोहोराव थानाय गोजो थाखोनि गावआरि खोन्दोनि सोल्लोथाय फसंथान गुरुकुल नेसनेल स्कूलनि बान्जायनायाव फेगो 5 एप्रिलनिफ्राय 11 एप्रिलसिम मावबादाया (□ 5 बिलाइआव)

बनरगाव दख'रा एबसु, बनरगाव दख'रा दुलाराय बर' हारिमु आफाद आरो लोर्गि थियेटार ग्रुपनि जुथायै बान्जायनायाव हारिमु मावबादाया जागायबाय

कक्राझार, 29 मार्च: बड'फा गोजोरथियादि सोलायनाय मावथांखिखौ बिथा खालामनानै बर' हारिनि दोरोडरि मोसानाय आरो हारिमुखौ फोथानानै लाखिनाय आरो जोगाहोनायनि थांखिजो बनरगाव दख'रा दुलाराय बर' फरायसा आफादा बोसोरफोमबो खुंबोबाय थानाय बायदिनो देगलायबो लोर्गि थियेटार ग्रुप, कक्राझार आरो बनरगाव दख'रा दुलाराय बर' हारिमु आफादजो लोगो नानानै जुथायै बान्जायनायाव घषकाता दालाइ आफादनि सिडाव थानाय साननाडै सोलिनो गोनां बे



गेलेग्रा फोथाराव दिने 29 मार्च, 2024 अक्ट'निफ्राय जागायनानै गासै 10 साननि हारिमु मावबादा लानाय जादों। 10 साननाडै सोलिनो गोनां बे

हारिमु मावबादाखौ दिने बेखेवनाय जायो। बे हारिमु मावबादा बेखेवनाय मेलखौ बनरगाव दख'रा दुलाराय बर' फरायसा आफादनि आफादगिरि

हेमन्त कु. बारगयारी बिथाड आफादगिरिनि मासि लानानै दैदेन्दोंमोन। बे हारिमु मावबादाआव गासै 80 सा (□ 5 बिलाइआव)

बिपिएफनि सा 50 हेफाजाबगिरिफोरा बिजेपिआव हाबफैदों बिजेपि सरकारनि सुबुं अन्सायनाय आरो जौगालु खामानि मावनायखौ नुनानै गासै राइजो-राजाफोरा बिजेपिआव फैदों: राजिब ब्रह्म

कक्राझार, 29 मार्च: कक्राझार जिल्लानि सिडाव थानाय बनरगाव बिटिसि बियाबनि बे'खनाव थानाय पाटगाव काशिबारि गामनि गोबां नख'रफोरा दिने बिजेपिआव जइन जाफेदों। बनरगाव बियाबनि एमसिएलए राजिब ब्रह्मखौ मोजां मोनानै आरो बिथानि खामानि मावनायखौ मोजां मोनानै पाटगाव काशिबारि आरो खाथि-खाला गामनि सा 50 नि बांसिन बिपिएफनि हेफाजाबगिरिफोरा बिजेपिआ जइन जाफेयो। कक्राझारनि



चन्द्रपारायाव थानाय बिजेपि मन्डलनि मावखुलियाव मोनसे हाबाफारि खुनायनि गेजेरजो

बिजेपिआव हाबफैनाय बिपिएफनि गासै सा 50 सुबुंफोरखौ एमसिएलए राजिब

ब्रह्मआ बिजेपि दोलोआव बरायनानै लायो। मख'नाय जायोदि, दिने बिजेपिआव हाबफैनाय गासै सुबुंफोरा बै समाव बिपिएफआव थानाय एमसिएलए राजिब ब्रह्मनि हेफाजाबगिरिमोन। (□ 5 बिलाइआव)

कुमारिकातायाव आदिबासि सेंगेल अभियानआ चार्णा धोरोम कडखौ लानानै सांग्राथियारि मेल

तामुलपुर, 29 मार्च: तामुलपुर जिल्लानि कुमारिकातायाव तामुलपुर जिल्ला आदिबासि सेंगेल अभियाननि बान्जायनायाव कुमारिकाता आन्सलिक भवन लांगोनायाव दिने चार्णा धोरोम कड सुबुं सांग्राथियारि मेल खुंनय जादों। आदिबासि सेंगेल



अभियाननि आसाम राइज्यो आफादनि लेडाइ आफादगिरि बाजुन तुडुनि आफादगिरि मासि सामलायनायाव खुंनय सुबुं सांग्राथि मेलयाव आसाम राइज्यो आफादनि आफादगिरि चरन हेमन्तमा बाहागो लाफेनानै बेसेन गोसा बिबुंथि होयो। तामुलपुर जिल्ला आदिबासि सेंगेल अभियाननि आफादगिरि शिउदल ममुआ सामलायनाय सुबुं सांग्राथि मेलयाव राइज्यो आफादनि आफादगिरि चरन हेमन्तमा बुदोदि, जोडो इसोरखौ फोथाया, जोडो जैन, हिन्दु, खृष्टानबो नड जो मिथिगायारि फुजारिसो। जोनो संबिजिरनि मोन्थाय नांगो। बिथाड गावनि बिबुंथियाव मख'बावदोदि, जेब्ला भारत सरकारआ सुबुंखान्थिनि (□ 5 बिलाइआव)

बाथौ धोरोम फोसावगिरि नबिन ब्रह्मारिनि जोनोम सान फालिदों

कक्राझार, 29 मार्च: कक्राझार सहरनि बालाजान तिनआलिनि गुरुधामआव दिने सानसेनि धोरोमारि आर'ज गाबनाय आरो गोथार हाबाफारिजो बर' हारिनि बाथौ धोरोमगुरु, सिबिगिरि आरो महर्षि बाथोनब स्वामी नबिन ब्रह्मारिनि 117 थि जोनोम सान फालिनाय जायो। बेनि लोब्बायै कक्राझारनि बालाजान तिनआलिनि गुरुधामआव दिने बाथौ धोरोम



संघनि मिरु आफादनि बान्जायनायाव धोरोमगुरु महर्षि नबिन ब्रह्मारिनि सावगारियाव

बिबार बउनाय, धोरोमारि आर'ज गाबनायजो 117 थि (□ 5 बिलाइआव)

सुजुगिरिनि खोलोम

भाइरेल खौरांनि गोहोम

दासादि हदतनि सोरगिदि बिसायख 'थिनि बार बारनायखौ नुनो मोनाय जादों। बे बारनि बुसोमनायावने खायफाया मुलाम्फा लुथिनो, दावराव-दावसि सोमजिहोनायै थासाखिखौ गुबुले खालामनो नाजायो खाबु फलान थाखोनि सुबुंफोर। नंखाय खौरांखौ थार होनायै आरो थार खौरांखौ नंखाय होनायै मुलाम्फा आञिनयनि रहा-लामा नागिरनाय बे बिसायख 'थि समावने नुनो मोनाय जायो। राजखानियाव जाथावैखौबो जाथावना आरो जाथावनाखौ जाथावै खालामनायबो नुनो मोनाय जायो। नंखाय जाथाय, सैथोथि गैयै बाश्रा आरो खौरांफोरखौ लानानैबो राजखानियाव दोलोफोरनि गेजेरव गावजों-गाव हाबु सारलायनायखौ नुनो मोनाय जायो। रइजो-रजा भटरफोरनि गोसोखौ गोजोन होनो, गावबा गाव दोलोन फासं मदत लाबोनो थाखायनो सम सम नंखाय बाश्रा, खौरां आरो जाथायनि आश्रय लानायनि खौरांफोर टिभि, खौरां बिजों आरो समाजआरि बिजोंफोरव नुनो मोनाय जायो। गुबैयै बिसायख 'थि सम फेयोब्ला बिब्दि जाथाय आरो बांसावनाय, बिखायनाय नंखाय खौरां गोसासायखौ गोबांसिनै नुनो मोनाय जायो। बिथा गैयै नंखाय आरो बांसावनाय खौरांफोरनो एखनब्ला गिदिद जाथाय आरो थासाखि लोबोनायजों लोगोसे खायफानो मदत आरो खायफानो खहा लाबोनायबो जानो हागौ। सम सम बाश्रा बानजों दाय्थेलायनाय, सावरयनाय आरो सांखारिनायानो उन समाव आथि-आखाइ बाहायनाययनि सौफेनायबो बिसायख 'थि समाव नुनो मोनबोनाय जायो। बिब्दि जाथायफोर गोबांडे नडब्लाबो मोनफा-मोने सोमजिनायखौ मिबथिनाय जायो। आथिखालनि सम आरो थासाखियाव बोलेजों आथि-आखाइ बाहायनायने सोरखौबा गादबनानै सोलिनायखौ गानायनो गोब्राव मोनसे। बेनिखायनो बिसायख 'थि समाव फोसावदिनायनिफ्राय लानानै बाइदिसिना रहा-खाबुनि बाश्रा होनाय, गुबुनखौ बाश्रा बानजों गाग्लोबनानै लोबां खालामनानै गावखौ जोसिनाव दोनायनि फोसावदिनायव समाजआरि बिजोंनि मदत लानायखौ सोलिफु समाव गोबांसिनै नुयो आरो गोनांथि होनाय जायो। समाजआरि बिजोंनि गेजेरजों गोसासाय नंखाय खौरां आरो जाथायफोरखौ लानानै सुबुंफोरनि गेजेरव गो-गोथो सानायनि थासाखि लोबोनायनायखौ खाबु फलानफोर बांसिनै नाजानायखौ मिबथि मोनाय जायो। आथिखाल समाजनि माखासे थाखोनि सुबुंफोर बिब्दि खौरां आरो जाथायफोरनि सायाव सांग्रां जानायखौ नुनो मोनाय जायोब्लाबो खायसेखौ नुनाय जाया। सांग्रांथि गैयै एबा जानो हायैनि जाडनावनो सुबुंफोरनि गेजेरव नंखायखौ नंगो खौरां बानायनाय, जाथाय सोजिनाय आरो बिखायनाय खौरांखौ गोसा होनायै जायगा जायगा थासाखिखौ गुबुले खालामनो नाजानायबो नुनो मोनो। गुबैयै बिसायख 'थिनि समआव। आथिखाल जौनि ओन्सोल आरो हालामनि थासाखिया गुबुन जायगाफोरनि रजुनायाव साबसिनखौनो नुनो मोनाय जायो। बिब्दि समावबो माखासे थाखोनि सुबुंफोर बिसायख 'थिनि खाबु लानानै भट बोखावनायनि गात्रिं सोलो बाहायनायनि अजद लाबोनायबो नुनो मोनाय जायो।

दासादि बिसायख 'थिनि सम, बेखौ जों बयबो मिबथिगौ। बिसायख 'थियाव बयबो बादायनायनि मोन्थाय दड जौनि हदतआव। नाथाय जौनि संबिजिआ उन गोसैसोनाय हारिफोरनि थाखाय थिनानै दोनाय सैरखाथि रिजाभं बियाबफोरवल' बे हारिनि अनगायै गुबुन हारिनि सुबुडा बादायनायनि मोन्थाय थाया। जौनि राइज्योआव जनजातिफोरनि थाखाय मोने बेबादि सैरखाथि रिजाभं बियाब थिनानै होदों। बेनि मोनसेया कक्राझार आरो गुबुन मोनसेया डिफु लकसभा बियाब। कक्राझार लकसभा बियाबखौ थानाय बोसोराव गोदानै दाफामफिन्याउ लानां। सिगांनि माखासे बिधान सभा बियाबफोरखौ दानख'नानै गोदान बियाब सोजिनायने बे बियाबखौ दाफामनायाव देलायनि लकसभा बिसायख 'थिनि महार सोलायगोन होनायै सावरयनाय नुनो मोनाय जादों।

दिनेनि फान्जामुथि

राशि बाइदियै मुंनि गिबि हांखो

मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** नख 'र संसाराव माबाफोर मोजां खामानि मावनो गोनां दड'बा मावनो हागोन। गोथार सान।
- वृष:** सोरबा नख 'रनि आंगोनि थाखाय जिंगा सिनांनो हागौ। गोसोखौ शान्ति मोनाय नडा।
- मिथुन:** फिसाफोरनि थाखाय जिंगा सिनांनो हागौ। जेखि जाया गोसोखौ हमथा।
- कर्कट:** खामानि मावनायफ्राव हेंथा सोमजिनो हागौ। सानाया फेलें थानो हागौ। सांग्राडै माव।
- सिंह:** जेखियानो जाया शुभ खामानि मावनानै लानो हागोन। फारफ्रोमबो मोजां। गोजोन मोनगोन।
- कन्या:** मानिबा थाखाय रां खर'सा जानो हागौ। गोसोखौ शान्ति मोनाय नडा। गोसोखौ हमथा।
- तुला:** बायदिसिना नंगोनि थाखाय रां खर'सा खालामनंगोआ जोबनाय नडा। गोसो हमथानानै सोलिनांगोन।
- बृश्चक:** फालांगि मावनायाव ख'हा जानो हागौ। सांग्राडै मावनांगोन। गोसोखौ गोजोन गैयै मोनगोन।
- धनु:** नख 'रआव गोजोनाय गैयै सोमजिनो हागौ। गोसो हमथानानै सोलिनांगोन।
- मकर:** जेखि मावा फालांगिआव मुलाम्फा मोनो हागोन। फारफ्रोंथिबो मोजां।
- कुम्भ:** सरकारि साखिफोर नाजानाय दड'बा मोनो हागौ। गोजोन मोनो हागोन।
- मीन:** हरखाबै माबाफोर मुवा-बेसाद मोनायनि आसा दड'। रंजानायखौ मोनो हागोन।


गाहाइ मन्थि मदिया आर'बपति गेटसनो इन दिदि रिक्मनि बागौ फोरमायदों

गोदान दिल्ली, 29 मार्च : मुलुगनि बयजोंबो मिबथिजानाय आर'बपति बिल गेटसआ सोलिफु दान हावजेन्नायाव भारतआव फेदोंमोन। बे समाव बिथाडा गाहाइ मन्थिजोंबो सावरायदोंमोन। बिथांमोननि बे सावरायनायनि भिडिअखौ शुक्रबाराव फोसावनाय जादों। गाहाइ मन्थि मदि आरो बिल गेटसआ बे समाव एआइ, हेल्थकेयर, डिजिटल रेभल्युशन, इडुकेशन, क्लाउड चेंज, एग्रीकाल्चर, नारि शक्ति आरो गभर्नेन्सजों लोगोसे गोवां आयदाफोरवबो सावरायदों। सावरायनायाव गाहाइ मन्थि मदिया इन दिदि रिक्मनि सायावबो सायावबो सावरायदों। बिथाडा बुंदोंदि, गामिनि आइजोफोरखौ मोसो-मैसो गुमनाय बायिद खामानिफोरनि दिन थाडोमोन। नाथाय आथिखालाव इन उरयहोबाय। जेब्ला आं मुलुगआव डिजिटल डिभाइलनि बाश्रा खोनायोमोन, अब्ला सानोमोनदि, जौनि हदतआव बेबायदि जाहोनाय नडा जायजों डिजिटल डिभाइल



and encouraging them to innovate and contribute new features

जायो। डिजिटल पब्लिक इन्फ्रास्ट्रक्चरआ गाव जोबोद गिदिर गोनांथि। आथिखालाव हदतनि गामि-गामि डिजिटल सुबिधाफोरखौ सौहैजानो हास्थायो। आइजोफोर जोबोद गिदिर टर्गेट ग्रुप होना आं सानो। बिसोरो गोदान मुवाफोरखौ थाबैनो आजावो। बेनिखायनो बिसोरनि



सुबिधानि थाखाय बबे मुवाफोरखौ बिसोरनिसिम सौहैहोने हागौ बेखौ सानखोंदों आरो मोनसे हाबाफारि लादों, जायनि मुड नम' इन दिदि। बेनि आन्दोआव मोनै थांखि दड। भारतनि गामिफोरव 3 कौटि निखाउरि नख'रनि आइजोफोरखौ लाखपति दिदि खालामनो

हास्थायो। नैथि थांखिया जादों, गामिफोरव आइजोफोर मोसो-मैसो फिसिनाय बायदि खामानिखौल' मावगोन नामा? नडा, बिसोरनि आखायाव टेक्न'लजिखौ लाना हैनो आं सानो। बयबो सुबुंफोर बेफोर गामिनि गामिखौ सोलायहोगोन होना सानो नांगोन आबाद मावनायखौबो गोदान मुगाजों खालामजानो सानो। जेब्ला आं इन दिदिजों बाश्रा सावरायो अब्ला बिसोरो बुडोदि, सिगांआव जों साइखेल सालायनो रोडमोन, नाथाय दा जों पायलट जाबाय, इन सालायो आरो सानाय-हनायफोरबो सोलायबाय। मख'जाथावदि, मदि सरकारा 2023 आव इन दिदि रिक्मखौ जागायदोंमोन। बेनि थांखिया आइजोफोरखौ एग्रीकाल्चर चेक्करआव गामिनि आथिआव गसंथानो हानाय खालामनाय। बे रिक्मिआव आइजोफोरनो एग्रीकाल्चरल इन उरयहोनायनि ट्रेनि होनाय जायो। लोगोसेनो इनखौ जोथोन लानाय आरो डेटा नायबिजिनारनि ट्रेनिबो होनाय जायो आरो 15 रोजा रांबो होनायजायो।

स्पेनआव लैथोमा सेराव सोमजिनाय दोहौ आरो गोखों बारजों साब्रै सुबुंफोरनि जिउ गोमादों

स्पेन, 29 मार्च : स्पेननि माखासे बाहागोफोरव गोखों बार आरो गोखों अखानि दोहौखौ नुनो मोनगासिनो दड। आटलान्टिक आरो भुमध्यनि लैथोमानि बोरियाव सोमजिनाय मोन्थाम जाथायाव साब्रै सुबुंफोर लैथोमायाव गोसैनायजों जिउ गोमादों। खोला-सोनाबहा पुर्तगालनि बोरियाव गोजौ दोहौफोरनि सांग्रांथिनि गेजेरजों बे जिउ गोमानाय जाथाया सोमजियो। बेनि सोमोन्दै स्पेनिस पुलिसा बुंदोंदि, मरक्कनिफ्राय फैन्या सासे लाइमोन आरो जार्माननि सासे सुबुडा सान्जा शहर टेरागनि खाथियाव भुमध्य लैथोमा बोरियाव जिउ गोमायो। सिभिल गार्डआ बुंनाय बायदिब्ला, जार्माननि सुबुडा मरक्कनि लाइमोनखौ रैखा खालामनो नाजानानै दैयाव थादोंमोन आरो बेखौ रैखा खालामनो नाजानाय समाव सानैबो थैयो। बेरा फारसे, स्पेननि सा बोरियाव आटलान्टिक लैथोमायाव गलानायजों सासे हौवा सुबुं आरो सासे आइजोनि जिउ ख'हा जायो। स्पेननि इएफइ खौरां एजेन्सिया जायगानि बिबानगिरिफोरनि गथायनाय खौराडव मावसुमाफोर मोने आलादा-आलादा जायगाफोरव गोथै सहे'खौ बोखानो हादों, जाय सा सहर गिजननि सोनाब बोरियाव गासै 10 किल'मितरनि गोजानाव जादोंमोन। बिबानगिरिफोर बुंनाय बायदिब्ला आइजोआ लैथोयाव गोसैनाय दोहौनि गेजेरजों अन्थाइफोरजों सौग्रावनायनि उनाव थैयो। सुलुंनि बायदिब्ला स्पेननि माहारियारि बोथोर सिबिथाया द्विपनि हान्जानि माखासे ओन्सोलाव गोवां बार बायनायनि सांग्रांथि फोसावदोंमोन। बेयाव अस्टुरियास बोरियाबो दंफायो, जेराव 23 फुट गोजौसिम दोहौ सोमजिदोंमोन।

केरेलानि गिबि मन्थि बिजयनआ सि ए एनि सायाव बाश्रा बुंदों

तिरुवनन्तपुरम, 29 मार्च : केरेलानि गिबि मन्थि पिनरयथी बिजयनआ थानाय बृहस्पतिबारखालि बुडोदि, नोगोरिफोरनि सोदंनय नेम-खान्थि एबा सिएनि थांखिया मुसलमानफोरखौ हादतआव नोगोरि खालामनो आरो बियो जुथाइ नख'रनि एजेन्डानि बाहोमो। गिबि मन्थिया बावैसो सिगां सिएनि हेंथायै खालामनाय रेलियाव जाबसिन्नाय गावनि दायफोरखौ मख'दों। सुलुडाव बुंनाय बायदिब्ला बिजेपिया बावैसो समनि सिगां सिएनि सायाव पिनरयथी बिजयननि बिबुंथिफोरखौ बिन हेंथायै हादत बेरेखानि केस थिसन्नो दाबि देखांदोंमोन। तिरुवनन्तपुरमआव सिपिएमनि गेजेरजों खुंनाय सिएनि हेंथा रेलिखौ सोमोन्दो लाखिनानै बिजयनआ बुडोदि, बे आइनआ हादतआव मुसलमानफोरनि नोगोरिखौ सेख'नो थाखाय जुथाइ नख'रनि



आखायनि हाथियार। बिथाडा बे बाश्राखौबो बुबावदोंदि, सिएएआ जुथाइ नख'रनि हारियारि एजेन्डाखौ सोलिहोने थाखाय मोनसे दालानि समान। बिथाडा थानाय बृहस्पतिबारखालिबो दाय जाबसिन्दोंदि, कंग्रेस दैदनिगिरि रहलु गान्धीया सिएनि सायाव सिरियै दड। केरेलायाव कंग्रेसनि दैदनाय इडिडिएफआ बिजयननि सायाव खोला राइज्योआव राजखान्थियारिमुलाम्फनि थाखाय सिएनि आयदाखौ बाहायनायनि थाखाय दाय जाबसिन्दों, जायनि

उनावबो जेबो बाश्रा बुडखै। बेनि सिगां बिजेपिया दाय जाबसिन्दोंदि, बिजयननि थांखिया मुस्लिम हारिनि फोलेरनि गेजेरव रेखाथि गैयै थासाखि सोमजिहोनाय आरो बिसोरनि गेजेरव धोरमनि फारगिथिखौ बांहोनाय। बिजेपिनि गागि दैदनिगिरि पिक्के कृष्ण दासआ बेनि सोमोन्दैयै दाबि दैखांदोंदि, सिएनि सायाव बिजयननि गेजेरजों बावैसो समनि बिबुंथिया संबिजिगरि मान दान्दा आरो मासिनि समायखिराखौ सिमफायदों। बिथाडा गावनि मासियाव थानानै बेबायदि बिबुंथि होनायै आइनारि मोन्थाइखौ खोमाना लाबाय। कृष्ण दासआ थानाय समबरखालि मुलपुमआव खुंनाय सिएनि हेंथायै रेलिनि समाव बिजयननि गेजेरजों होनाय बिबुंथिखौ सेलेन्स होनाय बुडोदि, महम्मद आलि जिन्ना गोवां बोसोर सिगां हादतखौ बोखावनो दाबि देखांदोंमोन।

इज्राइलआ सिरियानि अलेप्पयाव उरां जाहाजजों गाग्लोबनायाव माखासे सुबुंफोरनि जिउ गोमादों

बेरुत, 29 मार्च : सिरियाआव इज्राइलनि सान्थिया गिखंथावयै उरां जाहाजजों गाग्लोबदों। सिरियानि बायदिब्ला, बिसोरनि सा सहर अलेप्पनि खाथियाव शुक्रबारखालि फुडाव इज्राइलनि उरां जाहाजजों गाग्लोबनायाव माखासे सुबुंफोरनि जिउ गोमायो आरो जोखोम जायो। लोगोसे गोवां सम्पतिफोरबो ख'हा जायो। सिरियानि सरकारि मिडियाआ सासे सान्थियारि बिबानगिरिनि गथाइनाय खौरां बुडोदि, अलेप्प आरो बिसोरनि लेडाइ नोगोरिफोराव थानाय नोगोरिफोरनि केम्पफोराव इज्राइलआ गाग्लोबदों आरो सिरियानि बिग्रायारि हान्जाफोरनि गेजेरजों इन गाग्लोबदों। बिसोर ख'हा जानायनि थि अन्जिमाखौ फोरमायखै। ब्रिटेनआव थानाय दावहा नोजोर होया सिरियानि अब्जाभैरि फर हिउमेन राइडसआ बुडोदि, इज्राइलनि गाग्लोबनायफोराव अलेप्प हारिमायारि उरां जाहाज गाथोननि



खाथियाव थानाय अलेप्पनि खोला लेडाइ नोगोरि जिबरीनआव लेबनाननि उतखारि हिजबुल्ला हान्जानि मिसाइल डिफेन्सो नोजोर होदों। बे गाग्लोबनायफोरव गोवां सान्थिफोरनि जिउ ख'हा जादों आरो जोखोमबो जादों होना सुलुडाव फोरमायदों। आथिखालाव शुक्रबारनि गाग्लोबनाया उरां जाहाज गाथोनाव जेबो गोहोम गोसैनाय। थानाय 5 दाननिफ्रायनो गाजायाव दावहा आरो लेबनान-इज्राइल सिमनायाव हिजबुल्ला आरो इज्राइल सान्थि हान्जाफोरनि गेजेरव दावराव-दावसिया सोलिगासिनो दड।

खोला आफ्रिकायाव इस्टर फारिलाइयाव थानाय बासनि जाब्रबथाइयाव सा 45 सुबुंनि जिउ ख'हा

केप टाउन, 29 मार्च : खोला आफ्रिकायाव बृहस्पतिबारखालि इस्टर सेलिब्रेशननि थाखाय सुबुंफोरखौ लानानै थानाय बासआ मोनसे हाजो करिडआव बानायनाय दालानिफ्राय गाहायाव गोसैलाडो आरो दालानिफ्राय गोसैलानायनि उनाव बासआव अर नानानै आरो सा 45 सुबुंफोर बिखा खामथावै जिउ गोमायो। रिपर्टनि बायदिब्ला बे बासआ नसुंसे हादत बत्सभानानिफ्राय मरिया सहरआव थानोंमोन। हादतनि सा लिम्पप' राइज्योनि बिबानगिरिफोर फोरमायदोंदि, बे गिखंथाव जाब्रबथाइयाव 8 बोसोरनि सासे गथ'आ जिउरैखा मोन्दों। बिखौ फाहामसालियाव थिसन्ना फाहामथाइ होनाय जादों। मानोना गथ'आबो जाब्रबथाइयाव गोब्राव जोखोम जादों। लिम्पप' राइज्यो सरकार मिबथिहोदोंदि, बासआ ममतलकाला दालानिफ्राय 164 फुट गोथौ हाखरआव गलदों



आरो बेनि उनाव अरबो खामो। बे जाब्रबथाइयाव रवनिबो गोथै सह'खौ सिनायनो हानाय जायाखै। मानोना बासआव अर खामनायाव बिसोरबो गात्रि रोखोमै खामफ्रामदों। बास ड्राइभरआ सामलायथि गोमानायनि जाहोनाव जाब्रबथाइ जादों आरो गावबो ड्राइभरआ बेयाव जिउ गोमादों होना खौरांआव मिबथिनो मोन्दों। माहारियारि हान्था-मैला बिफानआ फोरमायदोंदि,

रिलाइन्स इन्डास्ट्रीया आडानी ग्रुपनि कम्पनीयाव इन्भेस्टमेन खालामदों

गोदान दिल्ली, 29 मार्च : आडानी पावार लिमिटेड (एपिएल) नि गावयारि हेफाजाबगिरि कम्पनी महान एनार्जी लिमिटेड (एमइएल) आव रिलाइन्स इन्डास्ट्रीज लिमिटेड (आरआइएल) आ गिदिर इन्भेस्टमेन्ट खालामदों। बे रादायनि गेजेरजों एमइएलआव आरआइएलआ 10 रां बेसेनि 5 कौटि इक्विटी शेयार बायो। आरआइएलआ मोनसे फाइलिडव बुंनाय बायदिब्ला कम्पनीनि थांखिया इन्भेस्ट मोब्लिब नेम-खान्थि 2005 नि गेजेरजों जागोन। बेनि बायदिब्ला, 1 केप्टिभ इजजार महैर आरआइएलआ 26 जौखोन्दो बाहागो लागोन। 600 मेगावाट केपासिस्टिनि एमइएलनि मोनसे इडनिटआव आइआएलआ 500 मेगावाटनि केप्टिभ इजजार जागोन। रिलाइन्स इन्डास्ट्रीज लिमिटेडआ बुंनाय बायदिब्ला, आरआइएल आरो



एमइएलआ बे थांखिनि थाखाय 20 बोसोरनि मोब्लिब बायनायनि रादाय खादों। मोब्लिब दिहुन्नाय आरो ज'गयना होनायाव नांथावनाय कम्पनी एमइएलखौ 2005 नि 19 अक्टबराव गाइसदोंमोन। बेयो गिबि खाबु जेब्ला सानै आर'बपति उद्यम बिगोमाफोरनि गेजेरव मोनसे रादाय जादों। गुजरातनि बे सानै उद्यमपतिफोरखौ सम-सम मिडिया आरो सावरयगिरिफोर गावजों-गावनि हेंथायै गसहोयो। बिसोर सानैया आथिखालाव एसियानि बयनिखुइ धोनिनि सुबुंफोरनि फारिलाइयाव जौसिन थाखोसिम सौहैहो हादों। मख'नो गोनादि, आम्बानीनि नोजोर थाव आरो गेसनिफ्राय लानानै खुसा आरो टैलि कमिउनिक्शनसिम। बेराफारसे, आडानीनि नोजोर जाहाज गाथोनफोरनिफ्राय लानानै उरां जाहाज गाथोन, खेला आरो जावखांनिसिम गोसासाय गुदि बिथानि सायाव।

बाडाइ बाजेटजॉनो गोलाव सम छुट्टि फालिनो हानाय दावबायग्रा जायगाफोर

आथिखालाव बांसिन सुबुंफोरानो गुबुन गुबुन जायगायाव दावबायनाय एबा बेरायदिनायखौ जिउनि बाहागो खालामाना नै लाबाय। बोसोरनि गुबुन-गुबुन सम एबा बोथोर लानानै दावबायनायनि खाबु नेनानै थासै। 9-5 रिगा साखि मावग्राफोरनि थाखाय लं उडकेन्डआ मोनसे सनाथि खाबु बायदि जायो। जॉनि हादतआव दावबायनायनि थाखाय गोबां जायगा दड, जेराव दावबायहैनो 2-3 सान छुट्टि लायोव्ला थोजासे सम होना बुंजायो। हादतनि माखासे जायगाफोरग बाडाइ बाजेटजॉनो दावबायनो हायो। आथिखालाव दावबायथाव माखासे जायगाफोरा जाबाय-



1. मुक्तेश्वर: बाडाइ बाजेटजॉनो 2-3 साननि थाखाय छुट्टि फालिनायनि थाखाय मुक्तेश्वरआ मख जाथाव। बेयो उत्तराखण्डनि नैनिताल जिल्लायाव दड। गावनि आलादा एडभेन्चरनि थाखाय बे जायगाया जर'खायै मुंदाखा। बेयाव रेपलिं, रक क्लाइम्बिं, ट्रेकिं बायदिनि गोजोनाय लानो हायो। बेनि अनगायै मुक्तेश्वर मन्दिरआवबो दर्शन खालामहैनो हायो।



2. पालमपुर: हिमाचलनि पालमपुरआ जोबोद समायना आरो खम बाजेटआवबो दावबायनो हानाय डेरिस्टनेशन। सान 2-3 नि हाबाफोरिजॉनो बे जायगाखौ नायगिदिहैनो हायो। समायना साहा बागानखौ नायनो थाखाय खोला भारतआव थांनांलाया। मानोनो

साहा बागाननि सोमोनांथाव सोमखोर समायना नुथाइखौ बेयाव थांनानैबो नुनो हायो। ट्रेकिं मोजां मोनग्राफोरनि थाखाय करेरी बिलोयाव सुबिधा दड। भएफोरनि अनगायै बिरआव थांनानै पेरग्लाइडिं खालामनोबो हायो।



3. टिहरी: उत्तराखण्डनि धनौल्टीनफ्राय माखासे घन्टा दावबायनायनि उनाव टिहरीयाव सौहैनो हायो। लोगोफोरजॉनो रंजा-बाजा एडभेन्चरनि इन्जय खालामनायनि थाखाय बेयाव गोबां खाबु दड। बैयावनि थाथ'नायनि सुबिधा फेलटिं हाटआ दावबायारिफोरनो मालद्विपआव थांनायनि मोन्दांथिबो होयो। धनौल्टीनफ्राय टिहरीनि लामायाव दावबायारिफोर कानातलआवबो बेगयदिनो हायो।



4. गशाल: सिमला-मानालीआ लं उडकेन्डनि समाव दावबायारिफोरजॉनो बुंफबो, जायनि जाहोनाव बैयावनि हटेलफोरग जानायनिफ्राय लानानै थानायसिम मोनफ्रोमबोनि बेसेना बांसिन जायो। बेबायदिना शर्ट ट्रिपआव थाडोव्लाबो गोबां रंखाथि खरसा जायो। खम बाजेटआवबो दावबायनो गोसो गुदुफोरा मानालीनि साखाथियाव थानाय गशाल गामियावबो बेरायदिहैनो हागौ। बेयो अल्ट मानालीनफ्राय 4 कि: मि: गोजोनाव दड, जेराव सोरगिदिं बरफ खोबना थानाय हाजो आरो आपेल बागानआ बे गामिखौ समायनासिन खालामो। बेयाव हिमाचलनि हारिमुखौबो खाथिसिनै नुनायनि खाबु मोनो।

रंजालि गथ'फोरनि सौरा

जोनोमगिरि आइ

.....
-सोरसांर बागलारी
अदालगुरि।

मादि हाराव हाथाव बे संसारा
सोरगिदिं सुथुरजॉनो बुंफबनाय बुहुम बिखा
जोनोम मोनबाय आयै आंबो नौनि अन्नायाव
बयनिखुइबो दाद जांगिला गोगो देहा लाना।
गु - दान गोरबोआव आंखौ लाना जोनोम होबाय नौं
थाम बोसोर द' दान बिखुंडव आंखौ बाबोबाय
बर'नि अनला खारै सबाय खारै आंखौ जाहोना
गिदिर गिदिर सिमां सुजुबाय आयै आंखौ लाना।
नौनि खुगानिफ्राय ओंखारनाय फसे राव आवनो
सुजुबाय सिमां मोगथां जोहोलाव जानायनि
मिथियो आयै आं बुजियो आयै आं
बे बुहुमा नौनि आनि थाखाय दुलुरु नंड।
मेगनाव मोदै खुगायाव खुदै गोरबोआव लाना
आंखौ दा गोसोखां आयै आंखौ दा बिदाय हर
जाफुगोन सानसे जॉनि मिजिं हाबिलाया
जागोन आं नौनिनो आंगो साबसिन फिसा।

गोरोबनै खन्थाइ

.....
-रैदोम बर'
माजदिधा, बगुलामारि, बाक्सा

सुबुडारि गोसो गोरबो
मोजां जानांगो अरायबो
मोजां गोसोनि मिजिंनाय
बिनाव थाया मोनसा मोननाय
मोजां गोसो मोजां गोरबो
बायगरथि मोना रावखौबो
जायनाव मोजां गोसो थागोन
बाराय आगान होना बुंगोन
मोजां गोसोनि मानसिया
मोनसा साननाय हनाय गेया
जाय बादि मानसिया आंखेब
बि मानसियानोथ' आंथेब।

कार्टेसियान लाभ

.....
-प्रह्लाद बसुमतारि,
कक्राझार

नौनि मोजां मोनलायनायनि थांखिखौ माब्लाबाबो
सन्देह खालामाखैमोन आं
लामायाव थाबायग्रानि बायफलेनाय मोखांजॉनो बुंहरनाय रावआव
मेन डेकार्टआ सिरिमोनखांदोंमोन
गोथां गाबनि लैथोनि सोमोनांथाव बाश्राफोर
दुफां बोथोरनि उदां अखांनि खन्थाइनि बाश्राफोर
जोमैयाव बिरनाय मोजां मोनलायनायनि सोदोबफोरा ...
सन्देह खालामदोंमोनब्लाबो
बै थांखि देखानाय गथायनायाव सन्देहनि गुदि
नागिरनानै नायाखैमोन।
मानोनो गावखौनो सन्देहनि नोजोरजॉनो
नायफेराखैमोन माब्लाबाबो।

हाथिनाय लामा

.....
-मनिका गयारि
गोदान देलहावसि, गहपुर

सिगांबोदों आं आनि
फैलाव गुवार मिजिंखौ लाना
गोलाव लामा हाथिनाय,
मोनहैस'गोन दाबि आनि
सानबोलावरिया बै नुहरस'थै
रुगुं मोनहास'हायै हाथिनांलाय
लामानि जोबथा रुगुंआव।
हाथिनांदों आरो हाथिनांदों
नुहरस'आखै रावखौबो
लोगो मोनाखै रावखौबो,
आगानसे आगान होब्लानो
रंजफ्रासो आवग्रियो आंखौ
गाराइ दाखोनखौ लानानै
आं हाथिनांदों आनि
आवगायनांगौ लामा फारसे।
आं हाथिनाय लामायाव
ना सोरनिबा मदद दं
ना सोरनिबा इसारा दं,
आं हाथिनांदों हारसिंयै
मिथिगानि गुसु बारआ
आंखौ खावलायदों।

सुंद'सल'

.....
-हिजुति ब्रह्म
गहपुर

दिनै रबिबार बारायबो
फरायसालियाबो गैखाया, बिबारिया
सानफ्रोमबोनि बादि दिनै इसेबां जगारबो
खालामनांनय नंखाया सानना बारियाव
मैगं गायनो बैसां लुहोदों साब्रैसो हाजिरा
लाना। गामाखालिबा खामानियानो
खामानि समजॉनो लोगोसे मावस्लाबनो
हास्लाबथारा। फिसाज्जलानि थाखायसो
थियारि खालामनाडाखै हय थेवब्लाबो
गोबां खामानि गोरलैसोनानै दं थारो
न'आव। ओरैनोबा हिन्जावफोरनि
खामानिया सिखारजेननायनिफ्रायनो
फारसेनिफ्रायनो फिसा फिसायैनो गोबां
जाथारो। हारसिं'बाथ' आरो माथो
बुं'बावनो। ओरै हाजिरा लानायजॉनो
फारसेथिं मायबो लामदों। बेसेबा गोबावनि
उनाव दिनैसो बोथोरा जोरानायनि खोथा।
दा सान्दु ओंखारखानायावनो लामना
लाखायाबा सानना लामखाबाय। फारसेथिं
आलासिबो फैनो गोनां दानि बावैसो खौरां
हरनाय। दाव, फारो, हांसोफोराबो
ओरैबायदिं खायसो खा माथो बुं'बावनो
बेनो गामियारि जिउनि मोगथां सावगारि।
समाव ओरैबायदिं रागाबो जॉफलांनो
ओंखारलाय लाडो। खामानिखौ गैया
बायदिं नुयो मावबासो मिथियो बबे
बबेनिफ्राय मा मा खामानि ओंखारसोयो।
बिबारिया हाख'आ हाख'आ हारसिं इसे
मोदोम थाखानायलाय हां थोनो थोनो
बबेखौ मावग्रोनो मानो जालायथारदों।
बे समावनो फिसाज्जला रैखाया बिमानव
मबाइल बिफेना बोराबफैयो।
-आइलै आंनो मबाइल नांगोमोन।
-हामाहाय आवा मा मबाइलल'
मबाइलल' जाथारखो नौलाय। बिमाया
फारसेथिं मा जादों बिखौ मिथियाखै
हास्लाबा हास्लाबा इसेफोर खामानि
मावफाफैबा मा जायो आरो नौना आन्जादा
गैथारलियानो माथो दिनै सम
मोननायावनो इसे फरायना लायाब्ला।
(बिमाया जेबो बुं'बावआ लासिनो

मबाइल एदिकटेट

मबाइलखौ दिहुनना हरो गावखौ खायसो
दा खालामथांसैल' सानना)
बिमाया जोबोद अनसोयोमोन
फिसाज्जलाखौ। अननांगौ अननायालाय
थेवब्लाबो अननायनि सिमा थायो बिखौ
जॉं गथ'फोरनि सिगाडव दिन्थिनो नाड
जॉं बिसोरखौ जेसेबां अनो। सोरथो बिमा
बिफायालाय अना लासिनो थानो गावनि
आंगो फिसाफोरखौलाय। बिबारिया
सिगाडवबो गोबां बार जाबोबाय
फिसाज्जलानो बेबायदिं खायसो
खालामजानो गिना मबाइल होबोनाया।
गाव खामानि मावब्ला फिसाज्जलानि
आखाइआव मबाइल होना खामानि
मावनाया। गावनि खामानिखौल' एरगौबा
एरगौबा सानसोयोमोन बियो। बिनि
बेबायदिं आखुनि थाखायनो फिसाज्जलाया
बारलांनो हमबाय। इयुनिसमाव मा
बायदिं जाहैगोन बेखैथ' माब्लाबाबो
सानफेरनोरो रोडखै बियो।
समा सान्सुथिर जाबायमोन बे
समावनो आलासिफोराबो सफैयो।
बिबारिनि बिजावजालि जानाय सोमोन्दो
इसे गोजाननि जाथि जालायनाय। मुख
बिनि हाइनामोन। फिसाज्जलाखौ लाना
ओरैनो बन्दखाय आलासि जानो फेदों।
ओरै बिबारिया इसिंआव खामानि
मावगासिनो दंथारो थिग बे समावनो
सिलायवाव खिं खिं साइकेलनि बेल
दामफेना राव होफैयो-
-आगै.....! आगै.....! अबाव
थांजोबखो मानसि दंनो गैया जाखो ?
ओरै बिफां सायाथिं रैखाया मबाइलाव
मा मा नायगासिनो दं ना गेलेगासिनो
महिथ' नांनो, बिखौ हाइनाया
नुस्लाबहराखै। गथ'आबो खोनादोंबाबो
जेबो खेर खेरयाथाराखै।
-दड दड....., नै आं सिडवसो
बायदिसिना मावबाय दंमोन। फे जिरायफे
आब', फे राजा ओरै। हारसिं बाथाय
जारला जाथारो हाख'आ हाख'आ।
-ओ जागोन दे जेबो नड। आंहाबो
हारसिसो रावबो गैथारा। नौना बेवायाबो
गावनि खामानिखौल' गोसो होथारो। हा

आयं राजायालाय अबावथो थांखो ?
(ओरै ओरै नायथिला बायना)-ए! हनै
बेयावसो दं। रैखा.....! रैखा.....!
आयंमोन गाबजिफेनायखौ खोनायाखै ?
नै राजाबो फेदों आदासो जायो बिजों
गेलेफेफादो आबा। रैखाया बिमाखौ
नायहरनाल' थाबाय खाथियाव
फैयाखिसै। मबाइलावनो आरो बेस्थ'
जाफिनबाय। आलासिफोरा देखारव आथिं
आखाइ सुना खामसालियाव जिरायफैयो।
हाइनानि फिसाज्जला मुख अनथावमोन।
गथ'आ बिमाखौ सौनायसै
-आयै नौं जिरायथ' दै आं बैजों
आगैजों गेलेहैनो।
-दे आबा थां गेलेहैथां।
अनथावा रैखानि खाथियाव
खारलांनयसै। आरो रैखानि मुंखौ
सौनायसै
-नौनिया मा मुं ?
मबाइलाव ओरैबायदिं बेस्थ'
गोमजोरजोर जेबो बुडा। आरोबाव खेबसे
सौबावनायसै
-नौनिया मा मुं ? आनिया अनथाव।
-रैखा। (गोमजोर रावजों फिनो)
-नौसिनाव थालिर बिफां दंनो गैया ?
आं थालिर देस्थाजॉनो मोजां मोजां फुथुला
बानायनो रोंगो। नौं रोंगोनो रोड
बानायनो।
-रोड।
-नौसिनिथिं लोगोफोर गैया नामा
नौं हारसिसो। थो जोंहा सानैजों
बानायहैनि आं नौंखौ फोरोंगोन।
अब्ला इसे मिनिस्तुहां जाना "थौ"
होनना सानैजों लोगो लालायो।
बिबारिया फिसाज्जलानि बिदिखौ
नुनानै इसे गोजोन मोनलायदोंमोन।
मालाय अनथावा मबाइल ना मा जेबो
थालखौनो लाया। फरायनांगौ समाव
फरायो गेलेनांगौ समाव लोगोफोर थाबा
लोगोफोरजॉनो गेलेयो, हारसिंबाबो गावनि
टयसफोरखौ लाना गेलेयो।
आरो समाव बिमाजॉनो बायदिं बायदिं
थालिर गांखौ दानना लाबोना फुथुला

बानायनो लानायसै। ओरै रैखाया जेबो
रोड गोसोआ मबाइलावसो थांगासिनो
गेलेनायाव बिहा गोसोआनो ज'आखै।
-नै रैखा बिदि बिदि बानायो
थालिरनि फुथुलाखौ, खानायखौ बिदि
जिरो। जि समायना नुबाय ना नै ?
ओंबो होना मिनियारो सिरि थाबाय
थायो गोमजोरै।
-मोजां नुवाखै ? आं औवानि गारिबो
बानायनो रोंबावगौसो। नै नौं बिखौ लादो
आं बिखौ लानोसै। फुथुला बानायनायखौ
मोनसे होना बुडे अनथाव।
-लायां ? (गोसा रागा रावजों बिदि
होनना गारनानै खारलाडो रैखाया)
अनथावा सिबाय मा जादों हमनोनो
हायासै। बिहा मालाय सानफ्रोमबो
मबाइलजॉनो थाग्रा। बिहा बिदियाव जेबो
गोसो ज'लिया। गोसोआनो
मबाइलावल'सै। गोसो जायोबा कार्टुन
नायबाय बिखौ बाबा भिडिआ गेम
गेलेलायबाय गोसो बायदिं। बिमानि
मबाइलखौ नायगिरबाबो मोनैनि आलासि
बिमार्यनि मबाइलखौसो नुवा नुस्लाबा
सोड हसिया माब्लाबानो लांनो न'
सिडवसो नायहै खुमागासिनो।
बिमार्यआ आरो ओरै थालखौनो गैया।
मबाइलनिबो दायो गोनाथिं जाथ'आखै
नालाय थाल लायाखै।
बेलासि सम, हाजिराफोरखौबो
सानसुनि आदार जाहोखां लोंहोखां
गावसोरबो ज' जाखांजोबबाय। बिदिनो
ज' जिरायना दड' बिबारि हायनामोनहा।
हायनाया फिसाइनाव फन हरनो होनना
गावनि मबाइखौ नायगिरनायसै।
नायगिरबाबो नायगिरबाबो गैया। गाव
बबाव दोनथ'नाय बायदिं सन्देह
जादोंमोन बेयावनो नायबाय गैया
मोनाखै।
-बेयावनो दोनथारदोंमोन हां
अबावथो थाखोसै। आगै नौनि मबाइखौ
हरनाय आंनाव कल खालामना नायनि।
बिबारि आ गावनि मबाइलखौ
होनायसै। ओजों थालखौनो गैया
फिसालायदि बिदि मालायनि मबाइलखौ

लांनो गेलेगोन।
-राजा खोनासंदे मोजां नो अबाव
दं। (फनखौ बुनानै फिसालाखो बुडे)
फन हरना नायबा सिनिफ्राय रिं जानाय
सोदोब रिंखांबोदों।
-आइयै नै बे नौनि रिंरतन नडमोन
जानो। नै खोनासंलाय।
-ओ नडमाथो। सिनिफ्रायसो फेदों।
थानाय बिमादै अबेथिनिफ्राय रिंबोदों।
बिबारिया रिंबोनाय रिंबोनाय थाना
नुहैबायदिं गावनि फिसाज्जलायासो
बिमार्यनि मबाइलाव कार्टून नायगासिनो।
रैखाया बिमा खाथियाव फैब्ला मोखां
सोम जायो मालायनि मबाइल बुजानोबो
गिदों। बिमाया लाजिनाय मोनखाना बुहां
जाना बुनायसै-
-आयनि मबाइलखौ माला माला
लास्लाबना बिदि नायनो मोनफेखो नौं।
मालायनि जिरादखौ बिदि सोड हसिया
बिदि खालामनो हामा ना जेब्लायबो
लासिसिल' खालामो बियो आंखौ।
अबावबा थांबाबो बेबादिनोल' खालामथारो
बियो साला। मोनगोनसो आंजों नै बाराबा।
(बिदि होननाल' मबाइखौ लाना बिमार्यनो
होफेना जासिफेना बुडे) नै आब' राजायासो
लांनो भिडिआ नायगासिनोमोन। मबाइलल'
मबाइलल' जाथारबाय बियो। माला माला
लास्लाबखो थाल मोनलायै। आनिखौबो
बिदिनो बियो दसेखौनो थाया।
-उदैफोरखौलाय माथो होनबावनो।
बिसोर दा जेबो मिथिया बुजिया।
-अब्लाबो जोंना बांद्राय थार
जाथारबायहाय आब' नौसिना राजाया
मालाय जॉनि बादि नड। जॉना जि अख्रबाबो
मबाइल मोनाबाथाय जि खुदियो। आं मोजां
बिमा जानो हायाखिसै आब'। (गावहांहां
जाना बुडे)
-गावखौनो दाय होना दा ला नौं। बे
गोरोन्थिया नौनि नड। जॉं मानसि माहारिया
गोरोन्थिजॉनो सोलोडो। जोंखौ गंसे
फरायसालियाव जॉनि फेगौ आनजादिनि
थाखाय थियारि जानो फोरोडो। जों माबोरै
मोजां मानसि जानो हायो बिखौ फोरोडो।
नाथाय, बिमा-बिफाखौ फोरोंनो थाखाय
जेबो फरायसालि गैया। जों गावनि
फिसाखौ माबोरै फेदेरलांनो फोरोंनो
बिफोरनि सोमोन्दै गोबां खम
मानसिफोराल' सावरायो। समाजारि

बिजोंआव बायदिसिना सावरायनायखौब्ला
बुंनोनो नाड।
-नौं गासैखौबो मात्रे सामलायो आब' ?
अनथावा इफा मोजां गथ' मबाइनिफ्राय बिहा
बिजाबाव बांसिन इन्टरेस्ट दं।
-आथिखालनि जुगाव मबाइलनि
थाखायनो गोबां गथ'फोरा अखा जालांनो
हमबाय, बिजाब फरायनो बाग्रा जालांबाय,
लोगोफोरजॉनो गेलेनो बाग्रा जालांबाय।
गथ'फोरनि इयुननि थासारिआ जॉनि बिमा
बिफानि आखाइआवनो थायो। मानो
होनोब्ला फिसानि मोजां गाजि फिसाखौ बोरै
दैदैनलांनो गौ बे गासैबो बांसिनैनो बिमा
बिफानि सायावनो सोनारो। बिसोर जॉनि
बुनाय रायनायखौ खोनासडो ना खोनासड
बिखौ मिथिया नाथाय बिसोरनि नोजोरा
जेब्लायबो जॉनियार थायो। जॉनि मावनाय
दानाय, फाव-फेसन, आखुथाय, हुदा ?
बिफोर उदैफोरनिआव जोबोद गोहोम
खोखैयो। बिनिखायनो जों उदैफोरनि
सिगाडव बेबायदिं आखुखौ दिन्थिनाडदिं
जायखौ सोलोडोब्ला बिसोरनि सायाव गाजि
गोहोम खोखैयो। जुदि जों माब्लाबा ओरैनो
थानाय समावबो गावनि फिसानो सम होआ
लासिनो बिसिनि आखाइआव मबाइल होनानै
दोनोब्ला। बिसोर थ' मबाइलनि हुदा
जालांखागोन।
बिबारिया सिगांनि थांखांनयफोरखौ
गोसो खांफिनो। माब्लाबा गाव खामानि
मावनाय समाव खायसो खालामोब्ला
फिसानि आखाइआव मबाइल होनाय। इसे
खुद्विबानो मबाइल देखायना बुरखायनाय,
ओरैनो थानाय समफोराव फिसानो सम
होआ लासिनो मबाइल नायनाय बैफोर
गासैखौबो फारि फारि गोसोखाना जोबोद
दुखु मोनो।
-बिदिनो जों ओरैनो थानाय समाव
बिसोरनि सिगाडव बिजाब फरायोब्ला
बिसोरनो जों सल' खिन्थायोब्ला बिदिनि
हुदा जालांनो। जों मिथिया जॉनि फिसाया
इयुनाव मा जाहैगोन। माब्लाबा माब्लाबा
फिसानि मोजांनि थाखाय बिसोरनि अखा
बिसोरनि लुबेनायखौ सुफुडै मानियैयाबो
अननाय जायो मिथियावनो आगै। दुखु दाजा
आगै (बिबारिनि मोदैखौ हुगरानो होनानै)।
दायो जा थासारिआव दं बिनिफ्राय
साबसिनाव बोरै लाबोनो बिखौसो जों दा
साननांगो।

अरनबि दाहा

मानिबा हाबा लानानै ऐदिनखालि सराइबिलोवाय थानांगौ जादोंमोन आंहा। मावनेो गोनां हाब।खौ थिमथाम मावखानानै अखा नाथै फुङ्गवनेो सराइबिलोनिफ्राय बङ्गइगसिम फैनाय फाफ्थिफ पब्लिक बासखौं ह्मफिन्नेो हादोंमोन। बास सिङव आथिं होनेो जाय्मा मोनलाथै मानसिनि बिहिर। एरसो—एरसा खालामना खुनुरुखुम हां थोनो थोनो आंबो गाखोनो हाव्वाय बासनि सिङव। मानसिफ्रा बुंदों सानफयाव गंफा गनैल’ बास खारो सिंनि बे लामाजों। बिब्दिका मानसिफ्रा मलाय मानो बिहिर जाया जानो। बयहबोथ’ मोनफा मोनफा मावनेो गोनां इयुनाव माखौं होबवागोन। बृटिश आमोलाल जैरे नुदों एसेबो गुफ्स्लायनाय नुनो मोनाखे। आफ्नेो आफ्नेो। हाव हाव गोलोमनाय अंखि अंला मोनामनायजों दिउ दिउ रागा जॉनेो ओंखारदों अं अस्मीया सोरकारखौ। इसेबां गोबावनिफ्रायनेो रिजाबं बेना रइजो जाबोनाय बे ओन्सोलनि राइजो राजाफ्रा इयुनाव माखौंथो मोनायनि मिजिंक थाबावनेो हागौ ? गोसो सिङव दोहो दोहो खामगिलनाय रागा जॉबोना माब्बा कसुगाव हाट्‌आव मोनफैनाय लोगो लोगो बयबो ओंखारनेो लामा नागिरनायनि दुहुम जायो। नै बे थफ्लाया लाथ’ हगार थाब ओंखार, मानो लामायव थाथेखो बाइदि, उखुम सानि पेसे-नजरफ्राणेो म्टर उनथिंजाय ओंखारनेो हम्भो। लोगो लोगो बासनि सिङव मानसिनि बिहिरा गेसं जायो। थेवबो सफा साभया गसंबवनदोंमोन। आंनिया खाफाला मोजां बि सभाव फिथोब बयनेो फैनाय सासे गंगार बोरया आंनि खाथिनिफ्रायनेो दुफुं सिखरना अंखारलाडे। बिथानि जायगाखौनेो आंबो थावनेो आवग्रिना लायो।

उत्... बेफ, बेफ, बेफ....। दसे उनाव हगारफिनबाय मटर। गंगार बोरया जिरायबोनाय खिरखि खाथिनि जायगावाय जिरायनेो मोनानै एसे आरामखौनेो मोन्दों आं। सराइबिलोनिफ्राय कसुगावसिम फैनायाव जि बादि जालायै फैनांदोंमोन दा बिब्दि नंलिया। फिसनि राजा लामा। बास्नलाय बार गैलिया। जेनिबो थागिदा गैया, हुर हुर गोथोडै खालानेो हम्भो। बाइहानि गोजोन बार खिरखिजों स’ स’ बारलाय लाडे। आगोलोव हाव हाव मोननाय, अंखि अंला मोनामनायनिफ्राय दसेनि थाखाय गोजोन, स्रां मोनो। नाथाय आंनि सिगांनि चिट्‌आव जननै थागाय सासे गस्त्ता गामसा हंगार नॉफबनाय गं-प्रं-प्रं बोरया सल बिलाइजों थांखु आलुया लानानै सोबनो हम्बबाय। सोबनाने उखुन्दै हगारोब्बा आंनि गन्धखवनेो सिगां एडमिसन लाफ्राणेनेसो एप्पार पास जालाडे। अनागारीयाखौ...! नों लेखा रॉनयायमोनब्बा बै म्थरनि एन्जुराव लिरनाय स्मकिं इस इनजुरियास तु हेल्ट होननाय शोदोबखौ लाना फसे दादि होगौमोन आं

(☐ 1 बिलाइनिफ्राय)

बिटिसिनि गाहाइ मावफुं सोद्रोमा प्रमद बर’नि न’आव अगप आरो इउपिपिएलनि गोनांथार

इउपिपिएल दोलौनि दैदेनगिर आरो मावफारियाफोर बाहागो लाफैदों। मख’नेो गोनांदि, जथुमयावनेो कक्राझार लकसभा बियाबनि एनडिएनि बिजाथि जयन्त बसुमतारिखौ जायखि-जाया रहाजों देरहाहोथारनेो थाखाय थांखि लायो। जथुमानि उनाव अतुल बराआ खौरं बिजॉनि सिगाडव एनडिएनि बिजाथि जयन्त बसुमतारिनि देरहानायखौ रेखा खालामनेो थाखाय खौसेयै बयदयालानयो थियारि जाबाय होन्ना मिबबिहोयो। बिथाड लोगोसे बिसायख’थियाव माबोरै जुथायै जयन्त बसुमतारिखौ देरहाहोनेो हायो बेनि सोलो बाहायनायखौ सान्नाय जादों होन्ना फोरमायथिनानै जयन्त बसुमतारिआ गोबां भटनि फारागथियाव देरहागोन होन्नानै दाबि खालामो। बिथाड नब कुमार शरनियाआ फिन बिसायख’थियाव बादायलयायोब्बाबो जेबो फेक्टर नङ होन्ना फोरमायनानै रइजो-रजाफोय आधिखालाव हरि-जनजातिनि राजखान्थिखौ हास्थाया, आधिखालाव बयबो गोजो-न-जौगाखानायखौ हास्थायो बेनि थाखायनेो रइजो-रजाफोर एनडिएनि बिजाथिखौ देरहाहोगोन। बिथाड प्रमद बर’नि दैदेननायाव जौगाखानांय, गोजोन, खौसेथिया फैदों होन्नानै बुडे। बेनि थाखायनेो रइजो-रजाफोर थि थांखि आजावगोन होन्ना मख’नानै एनडिएनि बिजाथि जयन्त बसुमतारिनि देरहानाया रेखा होन्ना खेु। बिथाड आसामआव दर 14 मासियावनेो एनडिएनि बिजाथिया देरहागोन होन्ना मख’नानै अगपआ धुवुरी आरो बरपेटा दरनै मासियावनेो देरहागोन। फारसेथिं, बिटिसिनि गाहाइ मावफुं सोद्रोमा प्रमद बर’आ खौरं बिजॉनि सिगाडव गोजोन, रैखाथि आरो जौगाखानाया एनडिएनि गुबै बिसायख’थियारि थांखि जागोन होन्ना मिबबिहोयो। लोगोसेनेो सरासनस्त्रा सुबुंफोर गोजोन, रैखाथि आरो जौगाखानायनि थाखाय कक्राझार लकसभा बियाबनि इउपिपिएल आरो एनडिएनि बिजाथिनेो भट होगोन होन्ना दाबि खालामो। मख’नेो गोनांदि, कक्राझारनि चान्दामारियाव थानाय बिटिसिनि गाहाइ मावफुं सोद्रोमा प्रमद बर’नि न’आव खुंनाय दिनैनै जथुमयाव अगपनि गागि दैदेनगिरि भुपेन बराजों लोगोसे अगपनि माखासे गोजौ थाखोनि दैदेनगिरि आरो इउपिपिएलनि जानानै एमएलए लेरन्स इस्त्तारि, एमसिएलए माधब सेत्रि, हेमेन्द्रनाथ ब्रह्ममोनहा बाहागो लाफैदों।☐

कुमारिकातायाव आदिबासि सेंगेल अभियानआ चार्णा धोरोम कडखौ लानानै सांग्रांथियारि मेल

रावखौ बुजियाब्बा जोडे सुबुं खान्थि नडै महरैब्बाबो सोमावसारनेो गोनां जागोन होन्नानैबो बुडे। जों थानाय 15 मार्चनिफ्राय भारतनि गोबां ओन्सोलनि गुबुन गुबुन जिल्लायाव चार्णा धोरोम कडनि सायाव सुबुं सांग्रांथि मेल खुंबोदों। बिथाड बुंदोंदि, चार्णा धोरोम कडआ जॉनि संबिजिरारि मोन्थाय। 2011 माइथायनि सुबुं सानखो बायदियै 44 लाख सुबुं अन्जिमा थानाय जैन धोरोमनेो धोरोम कड गथायदों। नाथाय 50 लाखनि बांसिन् सुबुंफोर थानाय आदिबासिफोरनेो चार्णा धोरोमनि कड गथायखै। बेयो गुबैयै दुखुंनांथाव बाश्रा जादों। बिथाड थाबैनेो भारत सरकारकौ चार्णा धोरोमनि कडखौ गथायनायजों लोगोसे आदिबासिफोरनेो थाबैनेो जनजातिनि मान होनेो खावलायो। तामुलपुर जिल्लानि गुबुन गुबुन ओन्सोलनि गोबां सुबुंफोर बाहागो लाफैनाय दिनेनि सुबुं सांग्रांथियारि मेलयाव आदिबासि सेंगेल अभियाननि आसाम रइज्यो आइजो मर्चानि आफादगिरि कमला किस्कु, तामुलपुर जिल्लानि आफादगिरि पर्यफला तुडु, बिटिअर जनेलनि आफादगिरि सुनियम मुर्मु, तामुलपुर जिल्लानि नेहाथारि गपि हेमब्रम आरो गुवाहाटी सिटि आफादनि लेंथुमगिरि बिजय तुडुमोनहा बाहागो लाफैदों।☐

बनरगाव दख’रा एबसु, बनरगाव दख’रा दुलाराय बर’ हारिमु आफाद आरो लोर्गि थियेटार गुपनि..

सोलोंसाफोर बाहागो लाफैदों। बे हारिमु मावबादायाव गाहायै बर’नि दोरोडारि मोसानाय आयदाखौ लानानै फोरेंथाय होनाय जादों। बे हारिमु मावबादायाव हांखायनाय बादियै कक्राझार जिल्ला दुलाराय बर’ फरायसा आफादनि लोगो हारिमु नेहाथारि फिरफिला ब्रस्म बिथाड बाहागो लानानै बर’ हारिमुनि सायाव गोबांथार बाश्रा बुंनायजों लोगोसे आधिखालनि बर’ हारिमुनि सायाव गोबांथार दिथागिरिफोरनि सिगाडव गुवारै बिबुंथि लाखिलाडे आरो लोर्गि थियेटार गुप, कक्राझारनि आफादगिरि सोमदोन ब्रह्मआबो हारिमु मावबादाखौ बिथा खानामनानै माखासे गोनां गोनां बाश्राफोरखौ सोलोसाफोरनि सिगाडव बुंथिनानै होयो। बे हाबाफारिआवनेो फारियै बनरगाव दख’रा दुलाराय बर’ फरायसा आफादनि दैदेगिरिफोर, कक्राझार जिल्ला दुलाराय बर’ हारिमु आफादनि दैदेनगिरिफोर, बनरगाव दख’रा गुदि बर’ थुनलाइ आफादनि दैदेगिरिफोर, बनरगाव दख’रा बर’ समाज आफादनि दैदेगिरिफोर, बनरगाव दख’रा दुलाराय बर’ हारिमु आफादनि दैदेनगिरिफोर, मेलेमजिबिफोर, सोलोंसाफोर, ओन्सोलनि गामि गोरफोर आरो रइजो-रजाफोर बाहागो लानानै हाबाफारिखौ हाफुंसार होफैदों होन्नानै बनरगाव दख’रा दुलाराय बर’ फरायसा आफादनि गाहाइ नेहाथारि फुंखा ब्रह्मआ रदाब बिबुंसारनि गेजेरजों फोरमायहरदों।☐

गसाइगावयाव सानै गथ’सानि गोथै सह’ बोखांदों

सानैखौ नागिरदोंमोनब्बाबो बोखानों हायाखैमोन। दिनें फुङव गथ’सा सानैनै गोथै सह’खौ आबादथिलियाव बोखानों मोनो। जाथायनि सोमोन्दै खौरं मोनानै जाथाय सालियाव गसाइगाव महकुमा पुलिस बिबानगिरि हिरन कुमार डेकाआ फैनानै जाथायनि सोमोन्दै खौरं लायो आरो गोथै सह’खौ प्स्टमाटैम आन्जादनि थाखाय कक्राझारव दैथायहरो। गसाइगाव महकुमा पुलिस बिबानगिरि हिरन कुमार डेकाआ जाथायखौ लानानै गुदि संदान्नायाव गथसा सानैखौ मोब्लिबजॉ बोजानानै जिउ गोमानायनि सन्देह खालामदोंब्बाबो प्स्टमाटैम आन्जाड खालामखांनयनि उनावसो गुबै जाहोनखौ मिबबिथनेो मोनगोन होन्नानै मख’दों। आधिखालाव गथ’सा सानै अब्बिथरायै जिउ गोमानायाव ओन्सोल नाडै दुखुनि थासारि सोमजियो।☐

नोंखै सि...! गोसोजों गोसो सानखोमायो आं। आंनि गन्थ ह्मथेबाय थानायखौ नुनानै बोरयनि खाथियाव जफनाय सासे बर’ हिन्जावखौ जोबोद साबाइखर होदोंमोन आं गोसोजों गोसो। थेवबो खौदै नानाय गुदिरिम सोबनानैसो आथिंजों ह्पुफेला गारदों बोरया थांखुखौ। रेखा आं सानो दसे उनाव आंनिथिं खर खर नाइहरबाय थायो बियो। माब्बाबानो मथरा बिसमुरीयाव लाखिफैयो। नौ नोगोराव थानायनि थांखि दं जेब्बा अंहाबो बहायनेो ओंखारनांगौ जायो। लोगो लोगो आखायाव सिखा रुवा लानाय गोबां मानसिफरोबो ओंखार फेयो विशामुरीयाव। बिसोरनि गेजेवर सावताल, नेपाल, बर’ आरो गोबां गलाइ मोनरह हारिनि मानसिफोर दंमेोन।

आंनि सिगाडव जिरायनाय बै बोरया बुरि बर’ सानैयाबो बेवहायनेो ओंखार फैदों। नौ- नोगोरसिम मिथिनेो हांखुर जाबाय आं सिरि सिरि। मटरनिफ्राय ओंखारनाय मानसिफोरनि गेजेवर बै सानैयादि ख’स बर’ बेखै आं दुबगाडै साना लाबाय। बिनिखायनेो खाथियाव थानानै बर’ रावजोंनेो सोडे आं। नौ-नोगोराव थानाय पाब्लिक बासा बेसेबां बाजियाव फैगोन ? बे लामाजों सानफयाव गंबेसे बास खारो अन्नानै खिन्थागोनदा ? दुखुजों फिनेो बर’ थग्रा जायगाफ्रावलाय गारी म्थरनि लान्जायखौनेो नुनो मोना। गेजेरनिफ्राय सासे बर’नि राव रइलाइजों गोरों सावताल मानसिया बुंहरो-मैयाथ’ खुनु बास खाराखैमोन। दिनेंसो खारो नामा ? जाम्बा जाम्बिनिफ्राय लेखा गोर्दोसिम गोर्लैसोना थानाय ट्राइबल हारिनि सायाव सोरकार जौगानायनि बिथिं बिसिबां नोजोरहोनेो हाखो आरो माब्बा सभाव बेफोर जायगाफ्रा साबसंग्रोन। साफ्रोनबो सुबुंनि गोसोआव सदाहायै मिजिंनि थफला। एसेयाव ससे नेपालिया बर’नि रावजों बुंहरबावयो। आन्दलना ज्तरदर जानायब्बासो हामथारगौमोनलै आदा। बिब्दि नङब्बा सरकार जोंखौ मोजां मेगानै नायनाय नंलिया सालाफ्रा। आरो बुजिनो बाकी थायाखिसे आं बर’नि आलादा हादोर बिनाय सोमावसारनायखौदि बर’ हारिनि अन्गायै गुबुन हरियाबोदि मोजां मोनेो आरो सिंजोंसिं मदद होयो बियो थार बाश्रा।

राजा लामानिफ्राय एसे गोजान आगान सुरल्लाननै गंसे बर’नि साहा गला लोगो मोन्हदेंदों। ज़ेप्रैब ग्रेब थुरिनि न’ । साहाजों लोगोसे गयबो दोनफयो गला दारा। खान्दिये गय जानानै खाथिनि साल मुरायव ज़र्राना थायो आं। मथर सायाव फैफनाय बर’ बोरया फिलें फलां थालाय फैलाय खालामबाय थायो। नोंथाड बबेनि जाखे ? आं सोडे बोरयाखै। ताराइबारिनि बोरयाअ फिनेो। ताराइबारिनि मानसिया बेउहाय मानोथो ? आं सौफिनेो। बाश्राखौ

(☐ 1 बिलाइनिफ्राय)

दिनैनिफ्राय आसामनि दरथाम जिल्लायಾವ 48 घन्टा नाडै ...

5:00 रिगानिफ्राय 48 घन्टनि थाखाय पेट्रल पाम्पफोर बन्द’ थागोन। नर्थइष्ट डिलार्स एससियेसनआ बे बन्द’खौ फोसावना होदों। मख’नेो गोनांदि, माखासे दाबिफोरखौ लानानै पेट्रल पाम्पफोरखौ बन्द’ खालामनेो थाखाय एससियेसनआ फोसावना होदों। सुर्लुनि बायदियै थानाय 2017 माइथायनिफ्राय थाव कम्पानीफोर कमिसन होयाखै पेट्रलियाम डिलार्सफोरनेो।☐

गवालपाराआव गिखंथाव लामानि जाब्रबथायजों सासे पुलिसनि कमान्ड’ जवाननि ...

धुबज्ज्यति राभानि गोथै सहखौ बोखानानै पुलिस थानासिम लानायजों लोगोसे जाथायाव गोब्राबै जोखेम जानाय परग राभाखौ गोब्राब थासारियाव फाहामथायनि थाखाय गुवाहाटीसिम दैथायहरो। कमान्ड’ जवान आरो गुबुन सासे लाइमोनखौ गवालपारा जिल्लानि कुहियारबारिनि चौकाबरि गामिनि थागिरि होन्नानै मिथिनेो मोन्याय जादों।☐

कलाइगावआव 1 5 साननि हाबाफारिजों रंजालि बैसागुनि...

15 साननि मावबादाखौ बेखेवनानै होयो हारिमु दागिरि मिथु बर’आ। बे मावबादायाव फोरेंगिरि बिद्युत साहारनि फोरेंगिरि हान्जाया लाइमोन सेंग्रा-सिख्लाफोरनेो फोरेंथाय होयो।☐

बाथौ धोरोम फोसावगिरि नबिन ब्रह्मारनि जोनोम सान फालिदों

जोनोम सान पालिनाय जायो। धोरोमगुरुनि जोनोम साननि लोब्बायै मोनसे गोसोखांथि मेलबो खुंनाय जायो। बे मेलाव धोरोमगुरु स्वामी नबिन ब्रह्मारनि जिउ जारिमिनि सायाव गुवारै फोरमायथिनानै होयो संघनि मिरु आफादनि आफादगिरि महैस्वर ब्रह्म आरो गाहाइ नेहाथारि मनज कुमार मुसाहारीआ। धोरोमारि हाबाफारियाव गुरु आफादनि आफादगिरि धोरोमगुरु तुलेस्वर नाजरी, सोनाब बंगनि धोरोम गुरु रबिचरन नाजि्नारी लोगोसे धोरोमगुरु कुन्जलाल बसुमतारि, सहदेब मुसाहारी, बिस्वजित ब्रह्म आरो आसामजों लोगोसे नर्सुसे हादत नेपाल आरो नर्सुसे रइज्यो सोनाब बंगनि गोबां धोरोमगुरु आरो भक्त्तफोर बाहागो लायो। मख’नेो गोनांदि, कक्राझार जिल्लानि भारत-भुटान सिमनानि उल्त्तापानि हाग्रा ओन्सोलाव स्वामी नबिन ब्रह्मारिआ नख’र-संसारखौ नागानाननै गोलाव 12 बेसोर धोरेम सिबिबनयनि उनाव आसामनेो अनयैथो सोनाब बंग आरो नेपालआव बर’ माहारिनि गेजेवर बाथौ दोरोम फोसावदोंमोन।☐

कक्राझार लकसभा बियाबाव जयन्त बसुमतारीया थाम लाख भटनि फारागथिनि भट लानानै ..

बुथियोदि, मोनसे सभाव बिटिआर हालामाव बिजेपि, एजिपि राजखान्थि हान्जा गैयामोन, जायनि जाहोनाव गुबुन मोनसे लामा महरै बिटिआर ओन्सोलनि रइजो-रजाफोरा नबकुमार शरनियानो भट होदोंमोन। नाथाय बे सभाव बिटिआरआव प्रमद बर’ दैदेन्याय इउपिपिएल आरो बिजेपि दोलोजों बाजि जौखोन्दो मासि लानानै सरकार सालायनायनि उनाव बिटिआर ओन्सोलनि रइज्योफोरनि गोसोआ सोलायबाय आरो बे खेबआव नबकुमार शरनियानो भट होनाय नंलिया होन्नानै दाबि देखाडे। बिपिएफ राजखान्थि दोलोखौ थांखिनानै बिथांङ बुडेदि, हाग्रामा महिलारीजों जायफोर दैदेनगिरिफोरा एनडिएनि सरकार सालायनायाव थाफानो खाबु मोनाखै आरो जाख्ल’नो खाबु मोनासै आरो जायफोर सुबुंनि गोसोआ मैला गोनां बेफोर बायदि सुबुंफोरासो दं होन्नानै अजद होनायखौ नुनो मोनो। बे हाबाफारियाव मन्थि रन्जित कुमार दासजों लोगोसे बिटिआर सरकारनि मावफुं सोद्रोमा गौतम दास आरो बाक्सा जिल्ला बिजेपिनि गोबां दैदेनगिरिफोरखौ बाहागो लानायखौ नुनो मोनो।☐

बारा गोलाव रायज्जलयनेो गोसो गैयामोन आंहा। नाथाय जायजॉखि रइज्ज्‌आइया सिं सा गामिबो थिम थाम मिथिजोबनेो लुबैनाया अरायबो आंनि गात्रि हुदा। मालाय जायखि जाया, जेखि मावया सिंआव एल’ एला सोनो आंहा मा गोदोन गोल्लैयोथाय। थेवबो गोसोखौ दबथायनेो हायैलाय सॉथावरबावयो आं नोंथाङ हासिंडेल ना सोरबा लोगो दंबावो। बोरया फिनदों आं आरो नैबे आंनि हिन्जाव। लोगोसे अंजों फैफनाय सावताल, नेपालफोरबो दं। आरो थि खिन्थाश्रनो हाया बाबु। सोर सोर बबे जायगानिफ्राय हाग्रा एवफैयोथाय। सानजौफु सभाव रिजाबव फुजा-मैला जानो फैनाय बादि मानसिनि बिहिर जायो। हाग्राखौ एक्से एवनानै मोनाबिलिनि सभाव खायफयाा बन, खायफाबं बंफां सभावना हंगारखौ बस्तायाव सोनानै कक्राझार नङबा बङ्गइगाव टाउनाव लहा दाग्रा, सना दाग्रा बानीयाफोरनेो फानहैयो, बिजोंनो माइरं दैरं लाबोना खुनुमोथै जीउ खंसाबो। बिब्दि आखलब्बा दा बावयैनेो बे रिजाब सयहंगार जासिगोन बाबु। एसेयावनेो सोरनिबा ट्राक गंसे फैदों। बेजोंनो थोंदो बाबु। बासखौ लामा दानायसै। आंखौ अन्नानै बुंनाय बोरयनि राव। नंगो होनाननै द्राइभारखौ आखाय खोन्थाहरो आं। द्राइभारनि अन्नायाव ट्राकखौ गाखोनेो मोनलॉमारसै। थाबथा थुथवा गैया जासे ट्राकआ खारलानेो हम्भो। बोरयनि सयहंगार शोदोबखौ त्राक सिङवनेो गोसोखानानै रागा जॉनेो अंखारदोंमोन आं।

बे रिजाबखौ इसिग्राब अनदोंब्बा नों मानोथो पाप ग्यै आजोला बंफां-लाइफांखौ एवस्रांफैदों ? मिथिंगा बिखानि समाइना बंफां लाइफांखौ एवस्रांनो नोंहा मा राइट दं। ना नों गायदों बे बंफां लाइफांफोरखौ। गोलेरनि मोदै गफलानायखौनेो आं...। खैरोम दैरोम रागा जोंफुनाय बहरागोन द्राइभार बाबुआ सोंदें- बाबुया बबैसिम थाने ? नौ -नोगोरसिम आं फिनेो। नोंथांफासोय ? आं सौफिनेो। द्राइभार हांमा गोलाव सुरनानै बुंफिनेो- मा खालामनेो बाबु रिजाबव माहाजोननि नै नम्बर माल लायनंगो। द्राइभारनि बिब्दि रावखौ खोनानानै गोसो सिङवनि दोहो दोहो अर जॉनायाव फिउ लुनाय बादि मोनो आं। ट्राकआ रासिनिफ्राय रासिन खारनेो हम्भो। बे लामाजों सैमा खरा हावबायै खोमसि हाग्रामा नुलांदोंमोन बै सभाव। सम सम मैदेरबो नुजायो होन्ना द्राइभारखौ गोबारे सालायनो थिननायखौ आंहा दाबो गोसोयाव दं। सानै साथाम मानपिजों आखाय जेरायलायनानै हमसंब्बाबो हमसनो हायै गिरु बारु गिदिर गिदिर बंफां दड्भोन। नाथाय दिनें नुफैनाय बादिब्बा बै पिकनिंक जानो फैनाय दिनजों आक्काश पाताल फाराक। बोरयनि सयहंगार बुंनाय रावा नोंथांगरौ। बिशमुरिनिफ्राय नौ-नोगोरसिम थानाय लामया आगसि आगदा फारुथैबो गोदोनिबाइदि खोमसि दरसि हाग्रामया गैलिया, जाय जैरें गौंरै एवस्रांना हा आवग्रिनायनि दुहुम। दा बावैनेो सयहंगार जामारसिंगोन। थिफा थनै बंफां मुरा गैयामोनब्बा बे जायगया माब्बालाबो रिजाब मोन होन्ना बुंनो रावहाबो सायदो गैलियामोन। माब्बालाबानो नौ-नोगोर मोनफेदों ट्राकआ। ट्राक द्राइभारजों बिदाय लालायना गोदोनि बर’ राजा सिखना जोहोलावनि राइजो उल्त्थापानिथिं मोखां जालाडे आं। नौ-नोगोरनि फारसंथिं दहला रुबैयाव

दसे जिरायना लायो आं थरसे अन्थाइ थाफानि सोलेरखौ दसेनि थाखाय सुरलाय होयो। निजोम निराला बर’नि जारिमिन थिलि नौ-नोगोराबो जोवस्रांगोना बाबिलिया समायना मिथिंगानि बिफां लाइफांफोरखौ एवस्रांनयनि फारि लाहांबोय। बिब्दि आखलब्बा बर’नि जारिमिनारी नेशॉनथिलि बे नौ-नोगोरा बेसे गोवाव थावगोवनेो दालाय ? हारिनि अलखदखौ नुनानैबो नुयैबादि फि थानायवनेो बर’नि मुदांखा डिमापुर, माइबां, खासपुर बायदि राजउलाफादफ्र गोमोख्लांदों। बेफोर्खादि जारिमिनिनि नेशॉनफ्रा गोमोरलाडेब्बा बनि दायआ सोरनि। गावनि हारिहा गसंथानो हानायनि लामा गैयाब्बा मालाय हारिया बहथो फोथंना लाखिनो गुबुन हारिनि नेशॉनखौलाय। बे हाग्रायाव सोर थायो ? सोरनि बे हाग्रायालाय ? नॉनि ना आंनि ? सुजुग मोन्दों होनानै बे हाग्राखौ एवस्रांजोब्बा बेनि खहाया इयुनाव सोरनि जागोन ? सरकारनि ना नॉनि ? सरकारालया मा ? गंजाम सरकारा थंगोन गोदान सरकार फैलायगोन। हाग्रामायाथ सरकारनिफ्रा ? नोशालाय। राइजो नडब्बा सरकारा बेबेनिफ्राय उजिबोयो ? मानसिनि राइजो जानायाव अखा नायबानो हाग्रा नङब्बानो राहा गैया, रायदों बेन्दों बिफां लाइफां बिलाइ, बिबार रोदा, बेदर, औवा, थाराय गैयाब्बा बन, लाइ, न’ बं बार,दै, आदार, खसाब, अक्सिजेन, नाइट्रजेन, हाव मोननेो ? मानसिया मोजे थानानै थानो ? अरनबारीनि खारोखा रोदा, बागनाला बिगुर, गिला फिथाय, बायै लाइश्री बिलाइ, मैखुन बेफोरखादि गोनां बेसाद नङब्बला बैगानीकफ्रा मार्जोथो मुली दिहुन्मोन ? मुली गैयामोनब्बा सुबुंहा लोमजा साजा जायोब्बा मार्जों फाहामनेमोन। हाग्रा नङब्बा सुबुं समजनि हारीमु सोदोमश्रीया अरायबो खहा थागोन। बे बाश्राखौ बुजिगानैबो बुजियैबादि जानाय नङ्बथ ? नौ-नोगोरनि अन्थाय फाफनाय जनानै जोवलांनो हम्ननाय अरननि निदानखौ गोबां गुलाइ-गुजाइ बाश्रा सान्बंजाय थायो आं। नाथाय गुदि ग्यै बिजो ग्यै बिब्दि बाश्रानि थियायखौ सोर होलायखौ। गाव गावनेो थिक नङब्बला सरकारखौल’ सोंखाडिवाय थायोब्बानिफि अरन थाना थायो होम्बला। बिनिखायनेो मिटि दावथिङव लेक्सार होनाय हुदा दंमोनब्बा उरसोमथारनानै माइकनि बिवारजों हब्रा हब्रा बुंगौमोन आं...। राइजो राजाफोर नोंथांमोनहा अरन जाहारखौ एवस्रांनाय लोगो लोगो दैमा, दैसानि दैफ्रा रानलांनो हम्बबाय। गोदोनि रुजुंजं समान उसिनाय दैसा खर’नि नाला निजोफ्रा गोथैजोबनेो हम्बबाय। गोदोनि रुजुंजं समान उसिना, दिमोल थानाय दैमा-दैसानि दैफ्रा दिनें आग्रोमखौनेो लोमलिया। मै, अमा, ना, बेदत, सामु, खंखाइनि आंखाल जाबाय। एंखावरि रायदोंबारी नुनो मोनलिया। गोदों गोदाय एंखोर नंयाब्बा एन्जुर दुमैय दिनें फाथो सेरनाजोंसो एन्जुर दुमसै। राइजो राइजो बरल्लै गुनाजोंसो संग्राय सायन खान्दियै चिन्नाय बनलाइ, लावथि मैंगफोरखौबो मोनो थालिया। आरोथ’ आंखालनि सम फैबावयाखै, जिदिनाय सुबुंङ गावजोंगाव बेदर जानो होसोलायगोन। बिखा सौनानै बुंथारो आं ... सयथिबो।☐

(☐ 1 बिलाइनिफ्राय)

बिपिएफनि सा 50 हेफाजाबगिरिफोरा बिजेपि...

नाथाय राजिब ब्रह्मआ बिपिएफ नागारनानै बिजेपिआव हाबनायनि उनाव बैसोर सुबुंफोर बिपिएफजनेो दंबोयोमोन। नाथाय बै समनिफ्रायनेो राजिब ब्रह्मआ गावनि बियाबनि सिङव थानाय राइजो-रजाफोरनि जेना-जेंसि, दुखु-दाहाखौ खौरं लाबोनाय, निदाननि सभाव सहाइ होनाय, राइजो-रजाफोरजों उदाडै लोगो हमलायनाय बिथानि बेफोर आखुथाइखौ मोजां मोननायलाय बै समनि बिथॉनिनेो हेफाजाबगिरिफोर दिनें बिपिएफ दोलो नागारनानै एमसिएलए राजिब ब्रह्मखौनेो जेब्बलायबो मद्दत होलानो आरो थिथांजोंनो थाबाय थानो थाखाय ओंखारबोयो। दोलोआ जेखि जाया मनो राजिब ब्रह्मखौनेो जेब्बलायबो हेफाजाब होलांगोन होन्नानै फोरमायथिदों बिजेपिआव जइन जाफैनाय राइजो-रजाफोर। बेराफासं गावनि सिगांनि बिपिएफनि हेफाजाबगिरिफोर गावजों फैजोबनायाव गोजोन्नाय फोरमायदों एमसिएलए राजिब ब्रह्मआ। बिथाड फोरमायदोंदि, आधिखालाव राइजो-रजाफोर बिजेपि सरकारनि खामानि मावनायखौ हम्दानो हादों। मिरुआव गाहाइ मन्थि नरन्द्र मदिनि दैदेन्याय आरो आसामाव गिबि मन्थि ङ हिमन्त बिश्व शर्मा दैदेन्याय रइज्यो सरकार लोगोसे बिटिआरआव प्रमद बर’नि दैदेन्याय सरकारआ लानाय रइजो-रजाफोरनि गोबां अन्सायलु बिथांखिफोरनि मुलाम्फाफोरखौ थोंजोडै मोननेो हादों। बेनिखायनेो दिनें गासै रइजो-रजाफोरानो बिजेपिखौ अन्सायदों आरो हेफाजाव होनेो सिगांबोदों। बेबादिनो बनरगाव बियाबनि राइजो-रजाफोराबो मिरु सरकार, आसाम सरकार आरो बिटिआर सरकारावबो थाफानाय हिसाबै बिजेपिआव हाबफैदों होन्ना फोरमायो एमसिएलए राजिब ब्रह्मआ। बेराफासं खुंजानो गोनां लकसभा बिसायख’थियावबो कक्राझार बियाबाव एनडिएनि बिजाथि जयन्त बसुमतारिआ देरहासार जागोन होन्नानै बिथाड बुंथियो।☐

बासुगाव गरुकुल नेसनेल स्कुलयाव 7 सान ...

खुंजागोन। मावबादायाव बिहु मोसानाय-देंखोनि रेंगौथि गोनां बिधान देउरिआ मास्टर ट्रेनार महरै फोरेंथाय होगोन, लोगोसेनो मालिचरन राय, कनकन राय, अरुफज्ज्यति रायमोनहा बिहुवा (हौवा बिहु फोसाखावरि)नि अन्गायैबो देबिका राय आरो उडिता चक्रवर्तीमोनहा आइजो मोसाखावरि महरै फोरेंथाय होगोन। मख’नेो गोनांदि, जायखि-जाया बैसोनि हौवा-आइजोफोर 7 सान नाडै मावबादायाव बाहागो लानो हागोन। जायनि थाखाय हाबनेो मोनलॉमारसै 500 रं बेसेनखौ गथायनांगोन होन्ना मेनेजिं कमिटिआ बिबुंसारनि गेजेरजों मिबबिहोदों। फरायसालिनि गोरायुं बिजित नाथ, फोरेंगिरि सारिका राभा, पिजुमनि राय, ज्यतिरमय नाथ, पुरन्दर रायमोनखौ लानानै दाजानाय मेनेजिं कमिटिआ थानाय 23 मार्चनिफ्राय 4 एप्रिलनि गेजेरव मुं थिसन्नाया सोलिगासिनो दङ होन्नानै सुलुङव फोरमायदों। गरुकुल नेसनेल स्कुलनि बेबायदि थांखि लानायखौ ओन्सोलनि हारिमु अन्सायारि सुबुंफोरा बरायदों।☐

गिबि मन्थि ङ॰ शर्माआ खर’सा आसामनिफ्राय आफां आसामसिम लकसभा बिसायख’थिनि ...

रजनीकान्तनि फैगौ सावथुननिफ्राय बिथांनि गिबि लुकखौ नुनो मोन्नाय जादों

साउथ सुपरस्टार रजनीकान्तनि फैगौ सावथुननि लुकआ सोराडाव फैबाय। बे सावथुननि दिथागिरि लकेश कनगराजआ सावथुननि गिबि लुकखौ शोयार खालामदों। बे सावथुननि टाइटेल्खौ दासिमबो फोसावनाय जायाखै। थालाडभारनि गोहोगोरा लुकखौ बे सावथुननि पस्टराव नुनो मोनो। 'लिय' आरौ भिक्रम' बायदि दोहो गोनां सावथुनफोरनि दिथागिरि लकेश कनगराजनि थाखाय बे सावथुना रजनीकान्तनो लोगोसे गिबि सावथुन। ससेल मिडिया प्लेटफर्म एक्सआव पस्ट शोयार खालामनानै लके श कनगराजआ गावनि फैनो गोनां



सावथुननि बागै मोनसे आपडेट होदों। बिथाडा सावथुननि टाइटेल्खौ 22 एप्रिलाव फोसावनाय जागोन होन्ना फोरमायदों। बे पस्टआव शोयार खालामनाय पस्टराव रडजनीकान्तखौ सनानि घडीजों बानायनाय हेनकाप गान्नाय नुनो मोन्दों। बेजों लोगोसे बिथांखौ सनानि प्रेम लगायनाय सान ग्लासबो गान्नाय नुनो मोन्नाय जादों। बे सावथुना आधिखालाव प्री-प्रडाक्शन थाखोआव दड। बे सावथुना सोलिफु बोसोरनि जोबनायाव रिलिज जानो हागो। बे सावथुनखौ सान पिक्सासआ दिहुन्दों। सान पिक्सासआ बे सावथुनखौ थांनय बोसोरनि सेपेम्बराव फोसावदोंमोन।

फाराह खानआ शोएब इब्राहिम आरौ दीपिका कक्कड़नि फिसाल्जा रुहाननो मोनसे अन्थोब होदों


शोएब इब्राहिमआ 'झलक दिखला जा 11' स्व'नि टूफीखौ देरहानो हायाखैमोन्बलाबो नाथाय बिथाडा थारैनो गोबां अन्सायगिरिफोरनि गोसोखो बोनो हादों। आधिखालाव शोएब इब्राहिम आरौ बिथांनि बिसि दीपिका कक्कड़आ इफतारीखो गावसोरनि नख'रजों जोबोद गाजा-गोमजायै फालिदों। बावैसो सिगां फाराह खानआबो शोएब इब्राहिमनि इफतारीनि फालिथायाव



फैदोंमोन। बिथांजोआ शोएब इब्राहिमनि फिसाल्जा रुहाननो मोनसे बेसेन गोसा अन्थोबो होदों। दीपिका कक्कड़ आरौ शोएब इब्राहिमआ सशेल मिडियाआव जोबोद एक्टिबै थायो। बिथांमोना सानैबो गोबां समावनो इउटुबआव ब्लगनि गेजेरोजों गावसोरनि गावारि जिउनि नुथायखौ दिन्थियो। 28 मार्चखालि शोएब इब्राहिमआ गावनि इउटुब चनेलाव मोनसे ब्लग शोयार खालामदोंमोन। बे भिडिआव बिथाडा फोरमायदोंमोनदि, 'फाराह खानआ इफतारिनि फालिथायाव आनि न'आव फैगासिनो दं।' दीपिका कक्कड़आ फाराह खाननि थाखाय बिरियानि, चिकेन रब्दी, शाही टुकरा, कुल्फी, चिकेन पटेस बानायदोंमोन। फाराह खानआ शोएब इब्राहिम आरौ दीपिका कक्कड़नि फिसाल्जा रुहाननि थाखाय मोनसे मोजां अन्थोबो लाबोदोंमोन। बिथांजोआ रुहाननो मोनसे सनानि ब्रेसलेटखौ अन्थोब हमारै होदोंमोन आरौ बिखौ रुहाननो गानहोदोंमोन।

'यध्दा' सावथुननि फालांगिया दावरुल्लाय लांगारिनो

सिध्दार्थ मल्हत्रा आरौ दिशा पाटनी स्ट्यार 'यध्दा' सावथुना नख'रारि बक्स अफिसआव मोजाडै फालांगि खालामनो हायाखै। 'यध्दा' सावथुना 'सेतान' सावथुननि से सप्ताहनि उनावनो सिनेमाहलफोराव रिलिज जादोंमोन। 'शेरशाह' सावथुननि उनाव साफ्रोमबो अन्सायगिरिफोरा 'यध्दा' सावथुनावबो सिध्दार्थ मल्हत्रानि दोहो गोनां एक्शनखौ फिन खेबसेबाव नायनो खाबु मोनगोन होन्ना मिजिथिदोंमोन। बबेखानि 'यध्दा' सावथुनाव सिध्दार्थ मल्हत्रानि दोहोखौ मिजिथिनाय बायदि नुनो मोन्नाय जायाखै। सिध्दार्थ मल्हत्रानि 'यध्दा' सावथुना 11 सानसिमाव कौटि रां आजिदोंमोन, नाथाय सावथुननि फालांगिया 12 थि सानाव जोबोद गाञ्चि जादोंमोन। रिलिजनि नैथि सप्ताहनिफ्रायनो बक्स अफिसआव यध्दा सावथुननि फालांगिया जोबोद गाञ्चि जादों। 13 थि सानाव सिध्दार्थ मल्हत्रा आरौ दिशा पाटनी स्ट्यार यध्दा सावथुना गासै 60 लाख रनि फालांगि खालामदोंमोन, नाथाय 14थि सानाव सावथुननि फालांगिया आरौबाव गाञ्चिसन जादोंमोन। साखानलिक डट कम रिपर्टनि बायदिब्ला, यध्दा सावथुना थांनय बृहस्पतिबाराव गासै 51 लाख रनि फालांगि



खालामदोंमोन। 'यध्दा' सावथुना नै सप्ताहयाव नख'रारि बक्स अफिसआव 32 कौटि रनि फालांगि खालामनो हादों। बेनि अनगायैबो मुलुगनाडैबो

'यध्दा' सावथुननि फालांगिया गाञ्चि जालांगिसिनो दड। यध्दा सावथुना मुलुगनाडैबो 46.5 कौटि रनि फालांगि खालामबाय।

बुहुमनि करआव जिउनि बल बादि फिथर संदान्ना मोन्दों

गोदान दिल्ली, 29 मार्च: बुहुमनि बागै जों गोबां रहयनि बाफोरखो खोनानो मोनबाय। बिबदिनो बुहुमनि गेजेराव मोनसे ग्रहनि महरथि बायदि गोरा धातुनि फिथर (बल) दड' होन्ना बिगियानगिरिफोरा संदान्ना नै मोन्दों। बेयो बुहुमाव जिउआरिनि थाखाय मिरुबो जानो हागो। बुहुमनि जरखा 5थि थोफोआ एक्सपर्टसखौ बेखौ बुजिनायाव मदत खालामनो हागौदि, बुहुम आरौ गुबुन

ग्रहफोराव जिउआरिया माबादिदै सोमजिखानो हागो। अस्ट्रैलियान नेशनेल इडनिभासिडिनि सिस्मल 'जिस्टसआ मोनसे मख'जाथाव संदान्नायजों बुहुमनि थोफोनि मोनसे गोदान फोरमान दिन्थिदों। स्ट्रिडिखौ दैदेनग्रा थान-सन फाम आरौ हभजे टकालसिकआ दाबि दैखंदोंदि, सलिट मेटेलनि फिथरआ 400 माइल गुवार आरौ आइन्-निकेलनि गलायथाय धातुजों बानाय जानाय। बे बलआ



बुहुमनि गेजेरारआव दड, जायजों बुहुमाव जॉनि बुहुमा गिखंधाव कस्मिक रे एबा जियमेनेटिक फिल्ड सोमजिखाडो। बेजों सोरंफोरनिफ्राय बाराग'नानै थाडो, जायजों

गाहाम देहानि राहा

नोंथाडा लिभारखौ माबोरै गोखोडै लाखिनो हायो बेनि सोमोन्दै मिथिनानै ला


गोबां समावनो जों गोबां जाग्रा बेसादफोर जायो, जेराव थावखौ बाहायनाय जायो। दखनफोराव मोनो हानाय जाग्रा आदारफोराव एखे थावखौनो गोबां खेब बाहायनाय जायो, थामहिनाब थावखौ बासायनो थाखाय बेखो बाहायफिनबाय थानाय जायो। बेबादि फिन बाहायफिनबाय थानाय थावजों बानायनाय जाग्रा आदारखौ जानाया लिभार, मेलेम आरौ बिबुआव जेना सोमजिहोनो हागो। जॉनि बिबुनि गोबां रोदाफोरा थोंजोडै मेलेमजों सोमोन्दो गोनां। बेनिखायनो मोनसे थावखौनो खनले-खनले गुदु खालामनानै थियारि खालामनाय आदारखौ जानाया 'न्युर' डिजेनेटिब बेरामनि जाहोन जानो हागो। खनले-खनले बाहायफिनबाय थानाय थावखौ जानाया लिभार बुनाय आरौ अक्सिडेटिब नारसिन्थायखौ बांहोयो। जायनि जाहोनाव मेलेमआव गोहोम गोलैनोबो हागो। माखसे बेसादफोरखौ नोंथाडा गावनि जाग्रा आदारफोराव सोफादेरोब्ला नोंथाडा गावनि लिभारखौ गोखोडै लाखिनो हागोन।



(1) अमेगा-3 फेटी एसिड बायदि पुष्टि गोनां फेटनि हेफाजाबजों नोंथाडा गावनि लिभारखौ गोखोडै लाखिनो हागोन।
(2) नोंथाडा जौ लौनाय आरौ थावजों एवनाय आदारफोरनिफ्राय गोजानाव थायोब्ला आरौ ब्याम खालामोब्ला नोंथाडा गावनि लिभारखौ गोखोडै लाखिनो हायो।
(3) नोंथाडा जुदि गावनि जिउ खुंनयाव देहानि सायाव जोथोन लानानै सोलायनाय लाबोयोब्ला लिभारखौ गोखोडै लाखिनो हायो।

दि साबरमती रिपर्ट' सावथुननि टिजारआ रिलिज जाबाय

'दि साबरमती रिपर्ट' सावथुनखौ अन्सायगिरिफोरा गोसो गुदुडै नेगासिनो दड। सावथुननि मोनसे प्रम भिडिअ'नि फोसावनायनि उननिफ्रायनो सुबुंफोरा सावथुननि सल'खो आबुडै मिथिनो लुबैदों। 'दि साबरमती रिपर्ट' सावथुननि बानायगिरिफोरा 27 फ्रेबुवारी



2002 माइथायाव गुजरातनि गोधरा रेलवे स्टेशननि खाथियाव साबरमती एक्सप्रेसआव जानाय बिखा खामथाव जाथायनि सल'खो लानानै बे सावथुनखौ बानायदों। बे सावथुननि रिलिजनि अक्टखौ 3 मे 2024 माइथायाव थि खालामनाय जादों। बानायगिरिफोरा आधिखालाव बे सावथुननि टिजारखौ रिलिज खालामबाय। टिजारआव गाहाइ फावखुंगुर भिक्रान्त मेसी, राशी खान्ना आरौ रिध्दी डगराखौ गोहोगोरा बिफावफोराव दिन्थिनय जादों। भिक्रान्त मेसीखौ फिन खेबसेबाव मोनसे दोहोगोनां फावआव नुनो मोन्नाय जादों। 'दि साबरमती रिपर्ट' सावथुननि टिजारखौ शोयार खालामनानै भिक्रान्त मेसीआ गावनि इन्सटाग्राम हेन्डेलाव, 'मोनसे जाथाय, जाय हादतखौ सोमोनाहोदों। 'दि साबरमती रिपर्ट' सावथुना 3 मे 2024 खालि सिनेमाहलफोराव रिलिज जागोन' होन्ना लिखदों। भिक्रान्त मेसीखौ बे सावथुनाव सासे खौरंगिरिनि फाव खालामनाय नुनो मोनगोन।

आनन्या पान्डेआ आदित्य रय कापुर आरौ श्रध्दा कापुरनि अन स्क्रीन केमिस्ट्रीखौ मोजां मोनो

आनन्या पान्डेआ आधिखालाव गावनि गावारि जिउखौ लानानै सावरायजागासिनो दड'। बि टाउननि मुंदांखा फावखुंग्रि आनन्या पान्डेआ गालाहा हन्डियाजों मोनसे मोगा-मोगियाव गावनि गावारि जिउ आरौ जिउ राहायारि जिउनि बागै गोबां फोरमायथिफोर होदों। बिथांजोआ सावथुन मुलुगाव आदित्य रय कापुर आरौ श्रध्दा कापुरनि अन-स्क्रीन केमिस्ट्रीखौ मोजां मोनो होन्ना फोरमायदों। बिथांजोआ 'आशिकी 2' सावथुनाव आदित्य रय कापुर आरौ श्रध्दा कापुरनि फाव खालामनायखौबो बाख्नायदों। आनन्या पान्डेआ बुंदोंदि, आदित्य रय कापुर आरौ श्रध्दा कापुरनि अनगायै रावबो



'आशिकी 2' सावथुनाव एसेबां मोजां फाव खालामनो हानाय नडमोन। बिसोर सानैनि जरया बे सावथुनखौ हिट खालामदों। 'आनन्या पान्डेखौ जोबथा खेब

'खो गए हम कहा' सावथुनाव नुनो मोन्नाय जादोंमोन। आधिखालाव बिथांजोखौ थाबैनो 'कन्ट्रल' सावथुनाव नुनो मोनगोन।

क्रु सावथुनखौ नायगिरिफोरा एन्टारटेनिं होन्नानै बुंदों

बलिउडनि साथाम मुंदांखा फावखुंग्रि तब्बु, करिना कापुर आरौ कृति सेनन स्ट्यार क्रु सावथुनआ सिनेमा हलफोराव रिलिज जाबाय। क्रु सावथुनआव साथामबो फावखुंग्रिफोरखौ एयार हस्टेसनि फाव खालामनाय नुनो मोन्दों। दिलजित दसान्द्र आरौ कपिल शर्माखौबो क्रु सावथुनआव नुनो मोन्नाय जादों। क्रु सावथुनआव साथाम एयार हस्टेसफोरनि सल'खो दिन्थिनय जादों। बिसोर साथाम एयार हस्टेसफोरा गोबां दाननिफ्रायनो दान बान्था मोनैनि जाहोनाव गोबां जेनाफोरजों मोगा-मोगि



जानाडो आरौ बेफोर जेनाफोरखौ सुखानो थाखाय बिसोरो गाञ्चि लामा सायख'नानै लायो।

जायफोर नायगिरिफोरा क्रु सावथुननि गिबि साननि गिबि दिन्थिफुनायखौ नायदों, बिसोरो बे सावथुनखौ ससेल मिडियाआव एन्टारटेनिं होन्नानै टेया होगासिनो दड।

मिथिहोनाय जायोदि, तब्बु, करिना कापुर आरौ कृति सेनन स्ट्यार क्रु सावथुनखौ रिया कापुरआ दिहुन्दों। कपिल शर्माआ क्रु सावथुनआव मोनसे केमिअ फाव खालामदों।

बेखौबो दाबि दैखंदोंदि, मेनेटिक बलनि आलादा क्रिस्टल स्ट्याक्स, जाय बांग्रि मावनायजों फैथाव शक वेक्सखौ खाथि-खालानि करनि रुजुनायाव आलादा गोखैथिजों थोफोनि जोहै गोदौगलाबनारनि जाहोनाव सोमजिखाडो। सासैबो बिगियानगिरिया बुंदोंदि, इंसिआरि करआ बाइजोआरि थोफोनिफ्राय इसे आलादा होन्ना रोखा जायो।

खेब 5 एमएलए जाखांजाय मुख्तार आन्सारीआ जिउ नागारबाय

गोदान दिल्ली, 29 मार्च: गंगस्टारनफ्राय दैदेनगिरि जानाय मुख्तार आन्सारीआ थानाय बृहस्पतिबारखालि हराव बान्दा मेडिकेल कलेजआव फाहामथाइ लाबाय थानाय समाव जिउ गोमायो। बान्दा जेलाव मुख्तार आन्सारीआ हाट एटेक जादोंमोन। बेनि उनाव बिथांखौ फाहामथाइनि थाखाय मेडिकेल कलेजआव लांजाय जायो। आन्सारी थैनायनि उनाव बिनि नख'र आरो बिनि सम्पतिफोर खौराडाव फेदों। सिगाडाव उतरखारिनि दैदेनगिरि जानाय मुख्तार आन्सारी (63) आ गावनि नख'रनो कौटि कौटि रानि सम्पतिफोरखौ होलांबाय। उत्तर प्रदेशआव थानाय सानफोरव मुख्तार आन्सारीनि कौटि कौटि सम्पतिफोरखौ सिजबो खालामदोंमोन। उत्तर प्रदेशनि थागिबि मुख्तार आन्सारीआ गंगस्टारनफ्राय दैदेनगिरि जादोंमोन। बिनि जोनोमा 1963 नि 30 जुनाय



जादोंमोन। बियो मौ बिधान सभा बियाबनफ्राय खेब 5 एमएलए सायख'जादोंमोन। थानाय 2 बोसोराव बियो मोन 8 केसफोरव दायनिगिरि महरे फोरमान जायो आरो बिखौ बान्दा जेलाव जोबथेना

लाखिदोंमोन। बिथाइ खेबनै बसपानि टिकेटआव बिसायख'थि गेलेदोंमोन। बियो आगुनि ले डाइ हादतगिरि महम्मद हामिद आन्सारीनि नख'रनि सोदोमामोन। मुख्तार आन्सारीनि बिबौआ उदांखि सोमावसारनायनि सान्श्रिमोन आरो बियो भारतयारि माहारियारि कं ग्रे सनि आफादगिरिबो

जादोंमोन। मुख्तार आन्सारीहा सानै बिदा-फं बाय दड', बिसोरनि गेजेराव देरसिन बिदा अफजल आन्सारीआ आथिखालाव गाजिपुरनिफ्राय एमपि बिबानाव दड। थानाय 2022 याव मुख्तारआ गावनि देरसिन फिसाजला आब्लासखौ गावनि बिधानसभा मासिनफ्राय बिसायख'थियाव गेलेहोयो

आरो बिनि फिसाजलाया बिसायख'थियाव देरहादोंमोन। आथिखालाव मुख्तारनि बिसि शाइस्ता पखीन आरो फिसाजला उमर आन्सारीआ खारनानै दड। मानोना बिसोर सानैनि हेंथायैबो माखासे केसफोर थिसन्दों। आन्सारीआ जोबथा खेब 2017 याव बिसायख'थि गेलेदोंमोन। बिसायख'थियाव थिसन्नाय हलफनामानि बायदिब्ला, मुख्तार आन्सारीनि गासै सम्पतिआ 21 कौटि रानिखुइ बांसिनमोन। वेबसाइटयाव होनाय खौरानि बायदिब्ला, आन्सारीनि सम्पतिआ 21,88,57,273 रंगोन। आन्सारीनि हलफनामानि बायदिब्ला बिनियाव 72 लाख रानि सना दड'।

बेनि अनगायै एलआइसिबो दड। रिपटनि बाइदिब्ला, बिखायाव सानायनि उनाव आन्सारीखौ गोब्राव थासारियाव इउपिनि बान्दा मेडिकेल कलेजआव थिसन्दोंमोन। रमजाननि समाव रजा क्रिटिकेल केयार इउनिटयाव लाखियो आरो उनाव बिखौ थैबाव होन्ना फोसावो।

गाजानि देहा फाहामसालियाव नैथि खेब दावहा सोमजिदों

यरुशालेम, 29 मार्च: गाजा सिटिनि अल शिफा देहा फाहामसालि आरो बेनि खाथि-खालानि ओन्सोलफोराव गिखं थाव दावहा सोमजिगसिनो दड'। थानाय 5 खवसे दाननि दावहायाव गाजा सिटियाव नैथि खेब दावहा सोमजिदों। हमास आरो इस्लामिक जिहादनि दावहारुफोरा देहा फाहामसालिनि सिं आरो गुबुन गुबुन केम्पफोरनिफ्राय इज्राइलनि सान्श्रिफोर आरो बिसोरनि टैकफोरनि सायाव रकेट आरो मर्टरजों गालोबगासिनो दड। थानाय 18 मार्चआव देहा फाहामसालिनि लांगोनायाव हाबना इज्राइलनि सान्श्रिफोरा दासिमाव बेयाव 200 निखुइ बांसिन दावहारुफोरखौ गावथारो। इज्राइलनि सान्श्रिफोरा देहा फाहामसालिनि लांगोनाफ्राय 800 सुबुंफोरखौ ग्रेप्टार खालामो। ग्रेप्टार खालामजानाय सुबुंफोरनि गेजेराव गासै सा 500 खौ हमास आरो इस्लामिक जिहादनि दावहारुफोर महरे सिनायथिदों। गाजानि बयनिखुइ देरसिन बे



देहा फाहामसालियाव रोजा-रोजा न' गैजाय सुबुंफोरा आस्रय लानानै दड'। बेनि गेजेरजों थाखोमानानै थानाय दावहारुफोरा जेब्ला इज्राइलनि सान्श्रिफोरनि सायाव गालोबनायखौ जागायदों अब्ला देहा फाहामसालि लांगोनायाव इज्राइलनि सान्श्रिफोरा हाबदोंमोन। दावहायाव देहा फाहामसालियाव आस्रय लानाय सुबुंफोर आरो बेमारिफोरा जोखोम जानायनि खौरं मोन्दों। दावहानि जाहोनाव बिसोरनि फाहामथायाव हेंथा सोमजिगसिनो दड'। गाहाम फाहामथायनि आंखालाव साबा सुबुंफोर थैनायनिबो खौरं मोन्दों। बे देहा फाहामसालियाव थानाय सुबुंफोर आरो बेमारिफोरनि थाखाय जाग्रा आदारनि आंखालबो सोमजिदों। गाजानि माखासे गुबुन जायगाफोरावबो दावहा सोलगासिनो दड'। बेयाव बुथार जानाय गासै फिलिस्ताइन सुबुंफोरनि अनजिमाया बांनानै 32,552 सिम सौहैबाय। बेनि

गेजेरजों फिलिस्ताइननि हादतगिरि मुहम्मद आब्लासआ थानाय बृहस्पतिबारखालि गोदान मन्थि आफाद फोसावयो। गासै 20 बोसोर हादतखौ दैदेनबाय थानाय आब्लासआ थानाय मार्च दाननि जागायनायाव गावजों सोमोन्दो थानाय हेफाजाबगिरि मुहम्मद मुस्ताफाखौ गाहाइ मन्थि खालामदों मोन। आथिखालाव बियो गुबुन हादतयारि मन्थिनि बिबानखौबो सामलाया गो। सुलुं नि बायदिब्ला, गाजायाव दखल खालामनाय सहरफोरनि न'फोराव हाबनानै इज्राइलनि सान्श्रिफोरा बेयाव मोन्नाय आइजोफोरनि जि खुनानै लाजिनांथाव बिबुंथि होनानै भिडिअ बानायगासिनो दड'। सान्श्रिफोरनि बे आखुनि भिडिअआ इन्टरनेट मिडियाआव भाइरेल जागसिनो दड' आरो बेयो हारिमायारि आयेनखौबो सिफायदों। आथिखालाव बेखौ लानानै इज्राइलनि नायबिजिरनायनि सायाव गोदाने सावरायनाय सोमजिदों।

गौतम आडानीनि सम्पतिआ सानसेयाव 15,000 कौटि रां बांदों



गोदान दिल्ली, 29 मार्च: भारतनि नैथि बयनिखुइबो धोनिंसिन सुबुंफोरनि फारिलाइआव गौतम आडानीनि सियारमेन गौतम आडानीनि नेटवर्थआ बृहस्पतिबारखालि मख'जाथावै बांदों। सुलुं नि बादिब्ला, गौतम आडानीनि सम्पतिआ सानसेयावबो 1.80 मिलियन डलार एबा 15,000 कौटि रां बांदों। बेजों आडानीनि नेटवर्थआ बांनानै 99 आरब डलारसिम सौहैयो। नेटवर्थआव बांजायजों मुलुगानि बयनिखुइबो धोनिंसिन सुबुंफोरनि फारिलाइआव गौतम आडानीआ मोनसे मासि आवगायनो हायो। बेनि गेजेरजों बिथाइ मुलुगानि 14 थि धोनिंसिन सुबुं जायो। मख'जाथावै, सोलिफु बोसोरनि दासिमाव गौतम आडानीनि सम्पतिआ गासै 14.7 आरब डलार बांजाय। मुलुगानि धोनिंसिन सुबुंफोरनि फारिलाइआव माइकेल डेलआ 13 थि मासियाव दड। अदेबानि डेल आरो आडानीनि नेटवर्थआ 99.4 आरब आरो आडानीनिआ 99 आरब डलार। थाबैरो आडानीनि नेटवर्थआ डेलनिफ्राय बांसिन जानो हागो। बेराफासै एसिया आरो भारतनि बयनिखुइबो धोनिंसिन सुबुंफोर आम्बानीनि नेटवर्थआ बृहस्पतिबारखालि 402 मिलियन डलार दावखलायदों। बेजों बिथांनि नेटवर्थआ 113 आरब डलारआव दावखलायो। बे बोसोराव दासिम आम्बानीनि नेटवर्थआ 17.1 आरब डलार बांदों आरो बे समाव बिथाइ मुलुगानि 11 थि धोनिंसिन सुबुं जानानै दड। मुलुगानि बयनिखुइबो धोनिंसिन सुबुंफोरनि फारिलाइआव सेथियाव दड, एलॉथि एम एएसनि सिइअ बर्नाई आरमल्ड, जायनि गासै नेटवर्थआ 231 आरब डलार। एमाजननि फाउन्डर जेफ बेजसआ 203 आरब डलार नेटवर्थजों बे फारिलाइयाव नैथिआव जायगा आवग्रिनानै दड। टेस्ला, स्पेसएक्स आरो ससेल मिडिया कम्पानी एक्सनि बिगोमा एलन मारकआ 189 आरब डलार नेटवर्थजों बे फारिलाइआव थामथियाव दड। मेटानि सिइअ मार्क जुकरबर्माआ 173 आरब डलार नेटवर्थजों 4 थि आव आरो 154 आरब डलार नेटवर्थजों बिल गेटसआ 5 थिआव दड।

इन्काम टेक्स बिफानआ कंग्रेसनो 1700 कौटि रानि नटिस दैथाइहरदों

गोदान दिल्ली, 29 मार्च: बृहस्पतिबारनि सानआ कंग्रेसनि थाखाय मोजां नडमोन। पार्टीनि आरज'लाइखौ दिल्ली गोजौ बि बि ज र स ि ल य ा नेवसिगारदोंमोन, जायनि उनाव दिने इन्काम टेक्स बिफाना 1700 कौटिनि नटिस होदों। बेजों लोगोसे, लकसभा बिसायख'थिखौ नोजोर होनानै कंग्रेसनि जेन्नाया बांदों। इन्काम टेक्स बिफाननि गोदान दाबिनाय नटिसआ 2017-18 माइथायनिफ्राय 2020-21 माइथायनि समनि थाखाय। बेयाव बिफाननिफ्राय जुरिमाना आरो सुद मोनैबो दफायो। फोरमायथि बायदिब्ला, बे बिबाइ आरोबाव बांनो हागो। इन्काम टेक्स बिफाना 2021-22 माइथायनिफ्राय 2024-25 मायथाइसिम आयनि फिन बेसेनखौ नेगासिनो दं। बेनि कडअफ अक्ट'आ रबिबाराव



आबुं जागोन। दिल्ली गोजौ बिजिरसालिया बृहस्पतिबारव इन्काम टेक्स बिबानगिरिफोरजों 4 बोसोरनि थाखाय खाजोना होफिन्नाय हाबाफारि जागायनायखौ हेंथा होनाय कं ग्रे सनि आरज'लाइखौ नेवसिगारदोंमोन। जास्टिस यशवन्त बर्मा आरो पुरुषेन्द्र कुमार कौरबनि मोनसे बेन्सआ बुंदोंदि, आरज'लाइफोरखौ सिगानि बिजिरनाय बायदिथै नेवसिनाय जायो, जाय गुबुन बोसोरनि थाखाय फिन आजाद जागायजेन्नायाव हेंथा होनो नेवसिगारो। आथिखालनि केसआ 2017 माइथायनिफ्राय 2021 माइथायसिम बेसेनजों सोमोन्दो गोनां। थानाय सप्ताहयाव नेवसिजानाय गुबुन मोनसे आरज'लाइयाव कंग्रेसआ

2014-15 माइथायनिफ्राय 2016-17 मायथाइनि बेसेननि बोसोरफोरजों सोमोन्दो गोनां फिन बिजिरफिनाय हाबाफारि जागायनायखौ सेलेन्स होदोंमोन। गोजौ बिजिरसालिया 22 मार्च'खालि फोरमायथिफोरखौ नेवसिगारदों आरो बुंदोंमोनदि, गिबि नुनायाव इन्काम टेक्स बिफाना थोजासे आरो गोखों फोरमान बुथुमदों, जायनि थाखाय आरोबाव नायबिजिरनायनि गोनांथि दं। जिखि जायमानो, बेयो सौलु सिखांदोंदि, हाबाफारि जागायजेन्नायाव गोबाव जानाया बेसेननि थाखाय गिथावना जागोन नामा। बै आरज'लाइयाव कंग्रेसआ गावनि खेंफोरथियाव बुंदोंमोनदि, इनकाम टेक्स आयेननि धारा 153 सि नि

सिखव मावनाया एप्रिल 2019 मायथाइयाव सा 4 सुबुंनि सायाव खालामनाय नायबिजिरनायनि सायाव बिथा खालामनायमोन आरो बेयो मोनसे थि सम सिमानिफ्राय बांसिनमोन। बावैसो गोजौ बिजिरसालिआबो इनकाम टेक्स एपिलेट ट्रिबुनेलेनि बिथोनाव हेंथा होनो नेवसिगारदोंमोन, जेराव इन्काम टेक्स बिफाना कंग्रेसनो 100 कौटि रानि बांसिन खाजोना होनांगो रंखौ मोनफिनो थाखाय फोसावनायखौ दोन्थ'नो नेवसिगारदोंमोन। आय खाजोनानि थि खालामग्रा मावख'गिरिया 2018-19 माइथायनि थाखाय 100 कौटि रानि बांसिन खाजोना बिदोंमोन जेब्ला पार्टीनि आयखौ 199 कौटि रानि बांसिन खालामनाय जादोंमोन।

आइडीएफ आरो हिजबुल्लाहनि गेजेराव दावहाया गोखोंसिन जाबोदों

बेरुत, 29 मार्च: इज्राइल आरो हिजबुल्लाहनि गेजेराव दावहाया गोखोंसिन जागसिनो दं। इज्राइलनि गालोबनायनि फिन्नायाव हिजबुल्लाया गोखों फिन्नाय होदों। लेबनाननि उदखारि हान्जा हिजबुल्लाया इज्राइलनि अखां गालोबनायनि फिन साजा होनो थाखाय सा-इज्राइलाव गोबां बेरफ्रुग्राफोरजों बुंफबनाय रकेटफोरनि मोनसे बेरेज गावदों। बेयो इज्राइलखौ गोबां खहा खालामनो हागो होन्ना सान्नाय जादों। हिजबुल्लाहआ बुंदोंदि, बियो हरसे सिगां इज्राइलनि उरंजों गालोबनायनि फिन साजा महरे बृहस्पतिबारव गिबि खेबनि थाखाय नोगोरारि थांखिफोरनि बेरेखायै हाथियारफोरखौ बाहायदों। बिथानि बायदिब्ला, इज्राइलनि अखां गालोबनायाव गोबां पेरामेडिकफोरजों लोगोसे सा 9 सुबुंफोर थैदोंमोन। ओन्सोलारि खौरं बिजोड बुंदोंदि, रकेट गालोबनायाव इज्राइलनि खहा जानायनि जेबो खौरं गैया एबा दासिमबो मोनाखै। इज्राइलनि रौनिया हान्जाया दासिमबो रकेट गालोबनायनि सायाव जेबो बिबुंथि होयाखै। 7 अक्ट'बराव गाजायाव इज्राइल-हामास दावहाया जागायजेन्नायनिफ्राय बे बाथ्राया बांगसिनो दंदि, इज्राइल-बे



लेबनाननि सिमायाव सानफ्रामबोनि दाडाबाजिआ मोनसे आबुं दावहा जागायनो हागो। बुधवारव बार आरो रकेटजों गालोबनायाव सा 16 लेबनान आरो सासे इज्राइलनि सुबुंआ जिउ गोमादों। इज्राइलनि गाहाइ रौनिया बुंथिगिरि रियर एडमिरेल डेनियल हेगारीआ बुंदोंदि, इज्राइला थानाय सप्ताहयाव सा 30 हिजबुल्ला उदखारिफोरखौ बुथारदोंमोन आरो गोबां हिजबुल्लाहनि थांखिफोरखौ फोजोबसांदोंमोन। बावैसो सिगां हिजबुल्लाहजों इज्राइल-हामास दावहानि समाव हिंसाया जुथाइ राइज्यो आमेरिका हादोरखौ गिखांहोदों। हवाइट हाउसनि हायुडरि रैखाथि बुंथिगिरि जन किर्बीआ गावनि सानफ्रामबोनि खौरं जथुमायाव खौरंगिरिफोरनि सिगाडव बुंदोंदि, सिमायाव गोजोन लाखिनाया हादरगिरि बाइडेन आरो

खुंथायनि थाखाय मोनसे गोजौ गोनाथि जानानै दं। बिथांजोआ बुंदोंमोनदि, आमेरिकाया जाथायफोरखौ खाथिनिफ्राय नोजोर होगासिनो दंमोन आरो जों लेबनानआव दावहाखौ मदत खालामा। हिजबुल्लाहआ मोनसे बिबुंथियाव बुंदोंदि, बृहस्पतिबारनि मोनाबिलियाव इज्राइलनि गरेन आरो श्लमी गामिफोराव गोबां रकेट गावनाय जादों। लेबनाननि राइज्योआरि फोसाव बिजोड बुंदोंमोनदि, बुधवारनि गालोबनायाव थैनाय सुबुंफोरनि गेजेराव सा 10 पेरामेडिकफोरबो दं। इज्राइलनि रौनिया हान्जाया बुंदोंदि, बिसोरो हिजबुल्ला आरो बेजों सोमोन्दो थानाय सुन्नी मुस्लिम हान्जाखौ नोजोर होदों। खोला लेबनानआव इउएन सान्थि हान्जाया बुंदोंमोनदि, हिंसाया थाबैरो बन्द जानांगो।

बोथोर बिफाना हादतनाडै गरमखौ लानानै गोदान आपडेट फोसावदों

गोदान दिल्ली, 29 मार्च: राजथावनि दिल्लीजों लोगोसे गासै सा भारतआव गरमआ जागायबाय। माखासे राइज्योफोराव गोखों सान्दुंजों लोगोसे सरासन्नायै गुदुं बारबो बारनो हमबाय। बेनि गेजेरजों दिल्लीयाव शुकुबारखालि मिनिमाम बिदुंखौ 20.5 डिग्रि सेल्सियासयै दिखांनो मोन्नाय जादों, जाय बोथोरनि एभारेस बिदुंनिखुइ 2 डिग्रि सेल्सियास बांसिन। बेराफारसे मेक्सिमामयै 36 डिग्रि सेल्सियासयै थानो हागो। भारत बोथोर बिगियान बिफानआ बेनि खौरं होदों। सहराव दिने फुंनि 830 रिगायाव बोथोरनि थाखोखौ 74 जौखोन्दोयै दिखांनो मोन्नाय जादों। बोथोर बिफाना साननि समाव सरासन्नायै जोमै सागलोबनाय आरो सरासन्ना अखा हागोनखौबो हमदादों दिबफाननि बायदिब्ला राजथावनिथाव मेक्सिमाम बिदुंखौ 36 डिग्रि सेल्सियासनि खाथियाव थाहैरो हागो। बेनि गेजेरजों बोथोर बिफाना



सा-सोनाब भारतनि राइज्योफोराव शुकुबार एबा 29 मार्च'खालि अखा आरो सारअन्थाइ गोग्लैनायनि सांग्रांथि फोसावदों। आइएमडिनि बायदिब्ला दिने पान्जाब हारियाया केरेला आरो सा-सान्जा भारतनि माखासे जायगाफोराव सरासन्ना अखा हानो हागो। बेनि अनगायै दिल्ली सोनाब

इउपि आरो आन्डामान निकबार द्विप हान्जानि खोला बाहागोफोरावबो सरासन्ना अखा हानो हागो। बिफाननि बायदिब्ला इउपिनि राजथावनि लक्ष्नीआव दिने मेनिमाम बिदुंखौ 22 डिग्रि आरो मेक्सिमाम बिदुंखौ 33 डिग्रियै दिखांनो मोन्नो हागो। बेयाव दिने सरासन्ना महरे जोमैयाबो

सागलोबगोन। स्काइमेटनि बायदिब्ला दिने सोनाब हिमालयआव सरासन्नानिफ्राय गेजेर थाखोनि अखा हानो हागो आरो बे समाव बरफबो गोग्लैनो हागो। हाजो ओन्सोलनि बाथ्रा बुडोदि, शुकुबारखालि काश्मीरनि बांसिन ओन्सोलफोराव अखा आरो बरफ गोग्लैनो हागो। जम्मू-काश्मीर, हिमाचल प्रदेश, उत्तराखण्डआव दिने आरो गाबोन एबा 30 मार्च'आव गोबां अखा आरो बरफजों लोगोसे माखासे ओन्सोलफोराव सार-अन्थाइ गोग्लैनायखौ नुनो मोन्नो हागो। अदेबानि आइएमडिया 31 मार्च'सिम सोनाबनि नारसिन्थाया एक्टिपे थानायनि मिजिं फोरमायदों। 29 मार्च'आव सा कर्नाटकनि आलादा आलादा बाहागोफोराव 28 मार्च'आव गुजरातनि सौराष्ट्र'आव आरो कच्छ'आव दुंखावनायनि थासारि सोमजिनो हागो होन्ना सन्देह' फोरमायदोंमोन।

सुमित्रा माहाजनआ नेसनेल ख'ख' सेम्पियनसिप इभेन्टखौ बेखेवना होबाय

गोदान दिल्ली, 29 मार्च: 56 थि नेसनेल कक सेम्पियनसिपआ 27 मार्चनिफ्राय जागायबाय। बे सेम्पियनसिपआव हादरनि दर 36 राइज्यो आरो मिरुजो सा म ल य ज न य राइज्योफोरनिफ्राय सा 1300 नि बांसिन हौवा आरो आइजो बादायारिफोरनि मोन 73 हान्जाफोर बाहागो लाफैदो। लकसभानि बारा' आफादगिरि सुमित्रा माहाजनआ इन्दिरा गान्धी स्पर्टस कम्प्लेक्सआव बे सेम्पियनसिपखौ बेखेवनाने होबाय। बेखेवनाय हाबाफारनि समाव भारतीय कक फेडरेशननि आफादगिरि सुदान्मु मिट्टाल, नेहाथारि एमएस त्यागी, गाहाइ



देदेनगिरि आरएसएसनि सोद्रोमा रामलाल आरो बिजेपिनि एमपि रमेश बिधुडीआ बाहागो साफैदो।

बे समाव नुजाथिफैनाय गेलेगिरि आरो ट्रेनारफोरखौ लोगो हमनाने सुमित्राआ बे गेलेमुखौ सिगां

समाव गावबो गेलेखानायखौ फोरमायो। लोगोसे बे इभेन्टखौ आरोबाव आवगायहोने हानायखौ गोजोन्याय फोरमायो। हादरयारि गेलेमुखोरखौ जौगाहोनयनि थाखाय भारत सरकारनिफ्राय बिथाइ लानायनि सायाव बिथाइ जौगाहोनयनि था'खिजौने खेल' इन्डिया खुंफुनायखौ फोरमायदो। लोगोसे बे गेम्सनिफ्राय गोबां गेलेगिरिफोरनि गुबुन गुबुन गेलेमुखोरखौ खालु मोनानायखौ फोरमायो। कक फेडरेशननि आफादगिरि मिट्टालआबो बे

इभेन्टखौ खुंफुनो मोननायखौ गोजोन्याय फोरमायो। लोगोसे भारत सरकारनि हादरयारि गेलेमुखोरखौ जौगाहोनयनि बिथा'खि लानायखौ बाखायो। लोगोसे कक गेलेमुखौ हरिमायारि थाखोआव जर'खायै जायगा मोनहैगोन आरो जौगागोननि मिजिथि लायो। हादरनाइने बाहागो लाफैनाय गेलेगिरिफोरनि सायाव बिथाइ गोजोन्याय फोरमायो। लोगोसे दिल्लीनि 56 थि नेसनेल कक गेम्सआव खुंफुनायखौ गोजोन्याय फोरमायदो।

गोदान दिल्ली, 29 मार्च: भारतनि मुंदांखा आइजो बेडमिन्टन गेलेगिरि पिभि सिन्धुआ माद्रिद स्पेन मास्टर्सआव गावनि मोजां फर्मजो चीना ताइपेनि बादायारि हुआं यु हासुनखौ थोंजो सेटआव गोलैयैने फेजेन्नाने क्वार्टर फाइनलाव सौहैदो। बे बादायनायाव सिन्धुआ जागायजेनानयनिफ्रायनो बेरेखा बादायारिखौ दबथायदो आरो जोबनायसिमआव 63 रैंकिंगि हासुनखौ मोनबो गोखो सैलेन्ज मोनालासे फेजेदो। बारा' वर्ल्ड सेम्पियन सिन्धुआ 36 मिनिटसिम सोलिनय बे मेचखौ 21-14, 21-12 स्करआव फेजेदो। थांनय सिजनि रनारसआप सिन्धुनि हँथायै बे खेबआव थाइलेण्डनि 6 थि रैंकिंगि बादायारि सुपानिदा केथं एबा जापाननि नात्सुकी निदाइराआ सेलेन्जआव ओंखारगोन। सिन्धुआ हासुनि हँथायै जागायजेनाय सेटआव 3-0 स्करआव आवगायदो। बेनि उनाव बिथाइ माखासे समसिम गावनि मोजां फर्मखौ खोमादोब्लाबो उननि समाव आवगायफिदो। 7-6 स्करआव



उन जानायनि उनाव सिन्धुआ गोखोडै दिन्थिफुनाने बेरेखा बादायारिनि गोरोन्थिफोरनि खालु लानाने 18-12 स्करआव सौहैफिदो। बेनि उनाव सिन्धुआ 8 पइन्ट आर्जिनाने देरहनाय थिसन्दो। बेनि उनाव सिन्धुआ गावनि गोखोडै दिन्थिफुनाय फर्मखौ लाखिदो। जाउनाव बेरेखा बादायारि ताइवाननि हासुनआ मोनबो फिन्नाय होफिन्तो हायाखै। बिथाइ इपशट आरो प्लेसमेन्ट थाखाय दिन्थिफुदो। नाथाय स्मेशआव गोहोम गोनाडै दिन्थिफुनो हायैनि जाउनाव सिन्धुआ जेनायाव गोखोडै।

भारतीय बादायारिआ बे मेचआव 8 मेच पइन्ट आर्जिदो आरो हासुनि साटलखौ नेटआव गेलेनायजो लोगोसे देरहादो। थांनय सप्ताहने आव अल इलेण्ड सेम्पियनसिन आपो सुइस अपेनआव बिमुं देरहनाय टप रैंकिंगि स्पेननि केरलिना मारिना टुर्नामेन्टनिफ्राय जायखारनायनि उनाव गोबाडनो सोलिफु इभेन्टआव सिन्धुखौ सेम्पियन जागोननि दाबि दैखदो। सिन्धुआ बिडब्लिडएफ टुरआव जोबथा खेब बिमुंखौ 2022 आव जालानाय सिंगापुर अपेन सुपार 500 आव देरहादोमोन।

निरज चप्राआ डाइमन्ड लीगनिफ्राय सोलिफु बोसोरनि सिजनखौ जागायगोन

गोदान दिल्ली, 29 मार्च: सोलिफु अलिम्पिक आरो वर्ल्ड सेम्पियन जेभलिनि खुबैप्रा निरज चप्राआ फैगो 10 मेनिफ्राय मुंदांखा गेलेगिरिफोरनि गेजेराव सोलिफु सिजनखौ जागायगोन। बिथाइ मुंदांखा इभेन्ट डाइमन्ड लीग सिरिजनि दहा सिजननिफ्राय गावनि



सिजनखौ जागायजेनसिमोन। 26 बोसोर बैसोनि चप्राआ थांनय सिजनखौ चीननि हँजोआव जालानाय एसियान गेम्सआव सनानि मेडेल देरहनायजो फोजोबदोमोन। सोलिफु बोसोरनि निरजआ पेरिस अलिम्पिकआव गावनि अलिम्पिक सनानि मेडेल देरहनायखौ रेखाथियाव लाखिफिन्तो नाजागोन। बिथांनि अनगायै गुबुन भारतीय गेलेगिरि किशर जेनाआबो काठारनि राजथावनिआव जानो गोनां डाइमन्ड

लीग सिजनआव हादरनि जानाने बाहागो लागोन। जेनाआ 2023 बुदापेस्ट वर्ल्ड सेम्पियनसिपआव बाथि नम्बरआव जायगा आवग्रिदोमोन आरो हँजोआव 87.54 मिटर जान्थायजो सिलभार मेडेल देरहादोमोन। जानो गोनां डाइमन्ड लीग सिजनआव निरजनि सेलेन्जआ चेक रिपब्लिकनि जेकब वडलेज्य आरो ग्रेनेडानि बारा' वर्ल्ड सेम्पियन एन्डरसन पिटासिनि हँथायै जागोन। जेकबआ टिकय अलिम्पिकआव सिलभार आरो वर्ल्ड सेम्पियनसिप 2023 आव ब्रन्ज मेडेल देरहादोमोन। चप्राआ खौरगिरिनि सोंथिआव सोलिफु बोसोरनि अलिम्पिक बिमुंखौ रेखाथि होनायखौ गावनि गाहाइ थांखि फोरमायदो। लोगोसे 90 मिटर जान्थाय बारहोने नाजानायखौ गावनि जर'खा थांखि फोरमायदो। दहा सिजनआव मोजां थासांरि आरो मोजां आवहावनि गेजेराव बादायारिफोर साबसिन दिन्थिफुनो खालु मोनगोन। चप्रानि दासिमाव साबसिन दिन्थिफुनाय जान्थाय 89.94 मिटर जानाने दड। बिथाइ मुलुगनाडरि थाखोआव आरो काठारआव भारतीय गेलेगिरिफोरनि जाफुंसारनो थाखाय गोब्राबै नाजानायखौ फोरमायदो। लोगोसे बिसोरनि गेजेरावनो गावनि हान्थिनायाव सुबुंफोरनि मदद मोननायखौ बाखायो। लोगोसे जानो गोनां इभेन्टआव मोजाडै दिन्थिफुनो हानायजो बिथांमोनखौ गोजोनहोने लुबैनायखौ गावनि थांखि फोरमायो। दहा मीट 2024 आ डाइमन्ड लीग सिरिजनि थामथि सिजन जायो। मानोना डाइमन्ड लीगखौ दरबै गुबुन गुबुन हादरमाफोरव गासै मोन 15 सिजनआव खुंफुनाय जायो। बेनि सिजनआ फैगो 20 एप्रिलनिफ्राय जियामिननिफ्राय जागायनाने ब्रुसेल्सआव 13-14 डिसेम्बरआव थुंगेहैगोन। जियामेन मेडेल शोआइआव खुंजानाय गिबि खेबने डाइमन्ड लीग सिजनआव हौवाफोरनि जेभलिनि खुबैनाय इभेन्टखौ थिसनाय जायाखैमोन।

रियान परागआ गोखोडै बेटिं खालामनायजो अन्सायगिरिफोरनि गोसोखौ देरहादो

गोदान दिल्ली, 29 मार्च: राजस्टान रयेलसनि हान्जाया आइपिएलआव गोखोडै दिन्थिफुनाने जेब्लायबो खौरांफोरनि हेडलाइनआव जायगा आवग्रिदो। बे खेबआव राजस्टान हान्जानिफ्राय रियान परागनि मुड बर्यनिबो सिगाडव जायगा मोन्दो। थांनय माखासे बोसोरफोरव परागआ



मिजिथिनि बाइजोआव दिन्थिफुदोब्लाबो बे खेबआव बिथाइ बेसेन गोसा गेलेगिरिनि फोरमानआव फैदो। 2022 नि निलामआवबो आरआरआ बिथांखौ गोबां रं होनाने बायदोमोन। रियानआ दिल्ली केपिटेल्सनि हँथायै गावनि हासि गोहोजोने बिथाइ मेच देरहनायाव गोबां बिहोमा होदो। राजस्टान रयेलसनि हान्जाया गिबियै बेटिं खालामनो फैनाने गोहैलोयै दिन्थिफुजेन्दोमोन। मुंदांखा बेटसमेन यशस्वी जयसवाल, जज बटलार

आरो बेनि उनाव केपेन सन्जु सेम्पसनआबो मिजिथि बादि रन लानो हायाखै। बेनि उनाव नम्बर 4 आव बेटिं खालामफैनाय परागआ गोहैलोयै दिन्थिफुदोब्लाबो जोबनाय अभावरआव बिथाइ गोखोडै बेटिं खालामनाने हान्जाखौ देरहादो। राजस्टाननि हान्जाजो परागआ गोलाव समनिफ्रायनो सोमोन्दोआव दड। 2022 नि निलामआव राजस्टाननि हान्जाया बिथांखौ 3.80 कौटि राडव बायदोमोन। सरासन्सायै बे समाव गुजराट टाइटन्सनि हान्जायाबो बिथांखौ बायनो नाजादोमोन। नाथाय जोबथा बुब्लियाव आरआरनि हान्जाया बिथांखौ मोनो हादोमोन। मेचनि बाथा बुडोब्ला बे खेबआव राजस्टानआ बिथांनि बेटिं अडरिआव प्रमसन खालामदो। बिथाइ सिगां समाव नम्बर 6 एबा 7 अडरिआव बेटिं खालामोमोन। नाथाय बिथांखौ सिगांसिन अडरिआव फैनायनिफ्राय हान्जाया मुलाम्फा मोनसिन्दो। परागआ डिंसिनि हँथायै 45 बलआवबो 84 रन लादो।

गावनि बेटिं अडरिनि जोबथा अभावरआव बिथाइ गोखोडै बेटिं खालामदो। जायनि थाखाय बिथाइ फेन्सफोरनि गोसोखौ देरहादो। जोबथा 6 बलआव 25 रन लानाने बिथाइ गावनि हान्जाखौ गिदिर स्करसिम आवगायहोदो। बे अभावरनि गिबि खेबने बलआव बिथाइ खेबने 4 रन लानायनि उनाव थामथि बलआव 6 रन, ब्रैथि बलआव 4 रन आरो बाथि बलआव 6 रन लानायनि उनाव जोबथा बलआव बिथाइ 1 रन लादो। जायनि मददजोने 19 थि अभावरआव जोबनायसिमआव बे हान्जाया 160 रन लादोब्लाबो 20 अभावरनि उनाव 185 रनसिम सौहैदो।

मख'नो गोनां बाथादि, राजस्टाननि हान्जाया 15 अभावरसिमआव 108 रनल' लानो हादोमोन। जायनि जाउनाव गोबाडनो हान्जानि स्करखौ 120 सिमआवबो थाहैगोननि मिजिथि लादोमोन।

बपन्ना एबडेननि जराआ मियामी अपेननि फाइनलाव सौहैबाय

मियामी, 29 मार्च: भारतीय हान्जानि मुंदांखा टेनिस गेलेगिरि रहन बपन्ना आरो बिथांनि जरा गेलेगिरि मेथ्यु एबडेनआ मार्केल ग्रानलार्स आरो हरसियो जेबालसनि जराखौ फेजेन्नाने मियामी अपेनआव हौवाफोरनि डबल्स केटेगोरिनि फाइनलाव सौहैबाय। बपन्ना-एबडेननि जराआ सोलिफु बोसोरनि जागायजेनायाव बोसोरनि गिबि ग्रेन्डस्लेम अस्ट्रेलियान अपेननि बिमुं देरहादोमोन। भारत-अस्ट्रेलियानि बिसोर सानैनि जराआ सेमिफाइनलाव स्पेन-आर्जेन्टानि जरा गेलेगिरिखौ 6-1, 6-4 स्करआव फेजेदो। अस्ट्रेलियान अपेनआव जारिमिनारि देरहनायनि उनाव 44 बोसोर



बैसोनि बपन्नाआ एटिपि रैंकिंगआव टप नम्बरआव सौहैनाने बेबादि रैंकिंग मोननाय बैसो गोरासिन गेलेगिरि जानो हादोमोन। नाथाय दुबाइ सेम्पियनसिपनि क्वार्टर फाइनल आरो इन्डियान वेल्सनि राउन्ड 32 आव जेनानयनि जाउनाव बिसोर सानैनि जराआ नैथि नम्बरआव दावखलायनाने फैफिदो। नाथाय मियामी अपेननि सेमिफाइनलाव देरहाफिन्नायजो बिसोर सानैआ फैगो समबारखालि फोसावनो गोनां गोदान रैंकिंगआव फिन गिबि नम्बरआव सौहैफिन्तो हासिगो। बपन्ना-एबडेननि जराआ बे खेबआव बिमुंनि थाखाय क्रएसियानि इभान डडिग आरो आमेरिकानि आस्टिन क्राजिकेकनि सेलेन्जआव ओंखारगोन। डडिग-आस्टिननि जराआ टिपु मोनसे सेमिफाइनलनि मेचआव केथिन क्राभिटज आरो गुम फुटजनि जारमनिनि जराखौ 6-4, 6-7(7), 10-7 स्करआव फेजेन्नाने फाइनलाव सौहैदो। बपन्नानि थाखाय फाइनलाव सौहैनाया केरियारनि 14 थि एटिपि मास्टर्स 1000 नि फाइनलाव सौहैनाय, जेराव बिथाइ गिबि खेब मियामी अपेनआव बिमुंनि थाखाय सेलेन्जआव ओंखारगोन। अभावरअल बेयो बिथांनि 63 थि टुर लेभेलनि फाइनलाव सौहैनाय। भारतनि जाफुंसारनाय टेनिस गेलेगिरिफोरनि गेजेराव सासे बपन्नाआ दासिमाव गावनि केरियारआव खेब 25 डबल्स इभेन्टआव बिमुं देरहाबाय। जेराव बपन्ना-एबडेननि जराआ जुथायै खेब 5 एटिपि मास्टर्स 1000 नि फाइनलाव सौहैदो।

सिएसके आरो आरआरनि गेजेराव गिबि मासिनि थाखाय सेलेन्ज जासिगोन

गोदान दिल्ली, 29 मार्च: आइपिएल 2024 आव दासिमाव मोनने टीमआ गावसोरनि खेबसेबो मेचआव जेनाखै, जेराव मोनथाम टीमफोर खेबसेबो मेच देरहनायाव जाफु'नो हायाखै। बेबादि थासांरिआव आइपिएलनि खेब 9 मेच जोबलानायनि उनाव पइन्टनि फारिलाइआव उन-सिगां जालायनायखौ नुनो मोनो। मानोना टीमफोरनि गेजेराव सोलिफु समनिफ्रायनो उन-सिगां जानाया सोलिगासिनो दड। पइन्टनि फारिलाइआव नोजोर होयोब्ला सोलिफु समसिमआव ऋतुराज गायकवाडनि केप्टेनआव देदेनजानाय सिएसकेआ नम्बर 1 मासिआव दड। बे हान्जाया खेबने मेच गेलेनायाव देरहानो हाजोबदो। बेनि उनाव राजस्टान रयेलसआ नैथि नम्बरआव दड। सन्जु सेम्पसननि केप्टेनआव देदेनजानाय बे हान्जायाबो दासिमाव गेलेनाय खेबनैबो मेचआव देरहाबाय। बे मोनने हान्जानि गेजेराव पइन्टआ समान थासांरिआव दडब्लाबो नेट रन



रेटआव फारागथिनि थाखाय उन-सिगां जानाने दड। आथिखालाव सिएसकेनि नेट रन रेटआ 1.979 आरो आरआरनि रेटआ 0.800 जानाने दड। बे मोनने हान्जानि अनगायै सानराइजार्स हाइड्राबाद, कलकाटा नाइट राइडर्स, पान्जाब किंस, आरसिबि आरो जिटिआ समाने 2-2 पइन्ट आर्जिनाने दड। नाथाय नेट रन रेटआव फारागथिनि थाखाय हान्जाफोर रैंकिंगआव उन-सिगां जानाने दड। बेफोर गासै समान पइन्टनि हान्जाफोरनि गेजेराव केकेआरआ

साबसिनआव दड। मानोना बे हान्जाया खेबसे मेचआव 2 पइन्ट आर्जिदो। नाथाय गुबुन हान्जाफोर 2-2 मेचफोरवसो 2 पइन्ट आर्जिदो। दिल्ली केपिटेल्स, मुम्बाइ इन्डियान्स आरो एएसजिआ दासिमाव खेबसेबो मेच देरहायाखै। दिल्ली आरो मुम्बाइआ 2-2 आरो एएसजिआ खेबसे मेच गेलेबाय। नाथाय मोनबो हान्जायानो दासिमाव खेबसेबो देरहायाखै। जेराव मोनथामबो हान्जानि नेट रन रेटआबो माइनास जानाने दड।

टी-20 वर्ल्ड काप 2026 आ भारतआव खुंजागोन

गोदान दिल्ली, 29 मार्च: टी-20 वर्ल्ड काप 2024 आ फैगो जुन दानआव खुंजागोन। बे टूर्नामेन्टनि थाखाय आइसिसिआ गोखो थियारि जागासिनो। बे टूर्नामेन्टखौ गाहायै वेस्ट इन्डिज आरो आमेरिकायाव खुंनाय जागोन। मख'नो गोनांदि, गिबि खेब क्रिकेट वर्ल्ड कापखौ आमेरिकायाव खुंफुनाय जागोन। बेनि थाखाय आइसिसिआ गोखोडै थियारि जादो। गोदान नेमखाथि बादिब्ला, टुर्नामेन्टआव माखासे सोलायनाय लाबोदो। बे समावनो आइसिसिआ जानो गोनां टी-20 वर्ल्ड कापखौ लानानेबो क्वालिफिकेसननि नेमखाथिखौ फोसावबाय। बे नेमखाथि बादिथै आइसिसिआ फोरमायनाय बादिब्ला, वर्ल्डकापनि थाखाय मोन 20 हान्जाफोर क्वालिफाइ जाथारानां गोन।



थामहिनबा आइसिसिआ हौवाफोरनि टी-20 वर्ल्ड काप 2026 नि क्वालिफिकेसन क्राइटेरियाखौबो रनयथि होबाय। टी-20 टूर्नामेन्टखौ

भारत आरो श्रीलंकाया जुथायै खुंफुनो। जायनि गेजेराव गासै मोन 12 टीमफोर रैंकिंग आरो वर्ल्ड काप 2024 आव गावसोरनि

दिन्थिफुनायजो क्वालिफाइ जागोन। 2024 नि सिजनआव टप-8 हान्जाफोर वर्ल्ड काप 2026 नि थाखाय क्वालिफाइ जागोन। जायनि

जहोनाव 2-4 हान्जाफोर आइसिसि रैंकिंग गेजेरजो जायगा मोन्दो। गुबुन फर्मसे दरने खुंफुनाय हादर थामहिनबा भारत आरो श्रीलंकाया टूर्नामेन्टनि थाखाय क्वालिफाइ जादो। जुदि भारत आरो श्रीलंकाया टप 8 हान्जाफोरनि फारिआव जायगा मोनामोनब्ला आद्रा थानाय मोनब्रे टीमफोरनि गेजेराव भारत आरो श्रीलंका नि मुंखे थिसनाय जागोन। बेनि उनाव मोनने गुबुन हान्जाफोर रैंकिंग मददजो गावसोरनि जायगाखौ मोनगोन। बेनि उल्थायै भारत-श्रीलंकाया सिगोनो टप-8 आव जायगा आवग्रिजोब्ला मोनब्रे गुबुन हान्जाफोर रैंकिंग गेजेरजो क्वालिफाइ जागोन। लोगोसे मोन 20 हान्जाफोरनि गेजेराव आद्रा थानाय मोन 8 हान्जाफोर रिजनेल क्वालिफायरनि गेजेरजो क्वालिफाइ जागोन।